

Nkalaŋ ní bwâm míme Yesuε ngáne

Jɔnε

átélé

Ndibned ní kálag

Nkalaŋ ní bwâm ngáne Jɔnε átélé nílúmte aá Yesuε adíi Eyale é Dyöb éche édé á ngíndé ne á ngíndé. Echê Eyale êntim moonyonj édyēē-’ε átíntê e bad. Mmén nkalaŋ, Jɔnε atelé mó ábel bad ábe béléa mó bédúbe nén bán Yesuε, Mwän a Dyöb mó adé Nsoode awě Dyöb dénhōbpē aá móšlōm. Anlúméd-ε aá nzé bad bédúbpé mó békūd e’soosonj.

A kálag tē wén á mbooted, Jɔnε alúmte ngáne baahóg béndūbēē Yesuε békwentén-ne áhíd mó, álúmtē-’ε ngáne bémpēe-’ε bétāngánnáá mó, béekwentene-’ε mó adúbe. E’pɛd 13-17 é’hóbe tāngene abé áde Yesuε ne ábē bembapεε bémbeē pónDé esyāál káāŋ ne epun éche békóbé mó ne mam míme ánlāā’é bó ene pónDé esyāál. Jɔnε ahóbé ámpē aá nzé mod adúbpé Krīstəə ākūd alongé áde déemaá’.

Nkabtéd ní kálag

Ndibned 1.1-18

Jɔnε, Ndusenε ne bembapεε bé’sō ábe Yesuε 1.19-51

Nsón míme Yesuε 2.1-12.50

E’pun bé asóg ábe Yesuε á Jerusalem ne benben ne Jerusalem 13.1-19.42

Mpuu míme Sāngwéé ne alúmed áde álúmtáá bad yāl 20.1-31

Nsógten: Yesuε alúmté yāl ámpē á Galilia 21.1-25

Eyale êntim moonyon

¹ A mbooted, byánán Dyõb déhãg nkõñsé Eyale êmmad abé. Eyale émbē ne Dyõb. Echê Eyale ébédéε Dyõb.

² Kááñse á mbooted Eyale émbē hõm ahóg ne Dyõb.

³ Dyõb dêmbenléd échê Eyale áhãg bwēm é'syāāl. Chõm ké ehóg éesaá éche Dyõb dênhãgké ésebé ne Eyale.

⁴ Alongé ásyāāl dénhūū ne Eyale, ádé alongé dó-'aá ápínédé baányon e'nyínen bé ekíde.

⁵ Ábê e'nyínen bé ekíde é'pene' á ehintén-tê, ehintén éehēlēē bó abóded.*

⁶ Mod nhóg ampě awě Dyõb dénlõmmē. Dìn démbē mó bán Jone.

⁷ Jone ampě áláa bad tângene ábê e'nyínen bé ekíde, ábel nén bad bésyāāl béwõg, bédúbe-'ε.

⁸ Saké mwën abédé ábê e'nyínen bé ekíde. Ampě ábíd mbõñ tângene ábê e'nyínen bé ekíde.

⁹ Eyale chóg ébédé e'nyínen bé ekíde é' mbále ábe é'nyínte' moonyon asyāál ekíde. Mós-'aá apagé'áá á nkõñsé-te.

¹⁰ Abédé á nkõñsé-te, bon kénéε Dyõb dênhãgké nkõñsé ne mós, nkõñsé ménkênchemmé mós.

¹¹ Ampě áwē dyad bon ábē bad bénkênkobpé mós.

¹² Ké nê, ambě donge á bad kunze ábé bán bé Dyõb. Ábé bad bédédéε bad ábe bénkob mós ne adúbe áde béndūbēē mós.

¹³ Béesaá bán bé Dyõb nyaa echē moonyon áchyáá'é mwän. Bénkembáá bán bé Dyõb byánán

* **1:5** *Ehintén-ne éehēlēē bó abóded káa ehintén ênkênchemmé bó.*

moonyonj m3 achy33 b3. Dy3b d3n d33 3d3 aw3b Tit33.

14 Eyale 3nt3m moonyonj, 3dy33 3t3nt3 ech3d. Anl3n ne nsim3, anl3m3d-3e sy3n3 ng3ne mb3le e Dy3b 3k33 ab3. Denny3n 3ch3 eh3m3, eh3m3 3che s33 3b3g3 m3 n3e n3m3 mp3m n3 mw3n.

15 Jone anh3b mam 3y3l ech3, anh33d 33, “An3n mod m33 n3l3ng3’33 ny3 m33, ‘Mod ah3e’ 3mb3d ech3m aw3 at3m3 m3, 3y3le b3d3chy33 m3, n3 ad3 3m3n.’ ”

16 Al3n 3de 3l3n3 ne nsim3 3b3l3 sy33 moosy33l dekud3 nnam 3mb3d e nnam.

17 W33 Mose3 d33 Dy3b d3mpo3dt3 mb3nd3. Bon nsim3 ne mb3le b3h33 ne Yesu Kr3st3.

18 Modmod 33ny3n33 Dy3b mb3d, 33t3m33 n3m3 mp3m n3 mw3n aw3 ad3 Dy3b ab3-’e m3 3 ak3b. Mw3mp3n m3 akid3ny3n m3. M3 ab3l3 bon Tit3 Dy3b3 aby33n.

*Jone, Ndus3n3 ah3b3 33
m33s3d Ane-aw3-B3w3gt3*

(Mat 3.1-12; Mak 1.1-8; Luk 3.1-18)

19 Ba3mb33 b3 Israel b3 dyad 3 Jerusalem b3nl3m bepr33 ne bad b3mp33 b3 t3mb3 e Levi w33 Jone, b3n b3k3 b3s3ded m3 b3nken nz3-m3d3 3d33.

20 Enk3mb3ng3 ah3b, bon ampanl3d b3 3te 33, “Sak3 m3 nd3 Ane-aw3-B3w3gt3.”

21 H33 b3s3dt33 m3 b3nken, “Nz3-3 3d33? W3-33 ed3 Elaj3a?” Ankwen3n 33, “A3y, m3s33 m3.” B3ns3d3d m3 3mp3 b3nken, “W3-33 ed3 nkal 3’da3d3n awe b3sin33-ye?” Antimt3n b3 33, “A3y.”

22 Káəŋne á asog dɔɔ bésɛdteé mó bánken, “Nzé-ɔ édíí? Láá sé ábel sétim ámbíd áláa bad ábe belómé sé. Nzé-módé wɛwɛ ehóbé wéé módé?”

23 Héε Jone átimtanné bó ne e'yale ábe nkal é'dəədəŋ Yesayaa ánhōbpē aá,

“Méε ndé ehób éche mod awě ahêŋte' á ehyáŋge aá, 'Nyétii nzii eche Sáŋgwéé.' ”

24 Bɔɔb-pɔɔ Befarisia bóɔ bɛnlōm ábê bad ábe bémpě wéε Jone.

25 Bɛnsɛdéd mó ámpē bánken, “Nzé weésě Ane-awě-Béwógté, weésě-'ε Elaijaa káa Nkal é'dəədəŋ awe bésinεé, cheé-ɔ édušanné bad?”

26 Héε Jone átimtanné bó aá, “Ndusan ne mendíb, boŋ mod adé átínté echên awě nyéēbíí'ε.

27 Mó adé ane awě äpě ámbíd echêm. Meékwognedεé áhune ké mímē nkɔɔd mé metámbé.”

28 Mmén méšyāāl mēm̄benléd á dyad á Betani á múde mé edíb é Jodan mímíníí wéε Jone ádušannáá bad.

Yesue, Mwän-a-Ndyəŋ ní mbód a Dyöb

29 Néε bīn é'sáŋgé, Jone anyín néε Yesue áhúε'ε níníí. Héε áhóbéé aá, “Nyénəne', Mwän-a-Ndyəŋ ní mbód a Dyöb m̄nε. Mó ahúde' mbéb ní bad bé nkōŋsé.

30 Anén mod móɔ níláŋgé'áá nyé áde ménhōbpē meé 'Mod äpě ámbíd echêm awě atómé mε, áyāle bédēchyáá mε, né adé ámīn.'

31 Ké mměn menkēmbíí'ε mó, boŋ mempě n̄dušán bad ne mendíb ábel bad bé Israel bēbíí mó.”

32 Hée Jɔne ábídeé mbón nén aá, “Menyín nêṅgáne Edæðəŋ é Dyöb ébíde ádyöb nées élǎā, ésud mó á nló mín, ébé-’ε ne mó.

33 Ké nê, menkênsónṅténne méé mô ne. Bon Dyöb áde dénlôm me aá rídusan bad ne mendíb dêmmäd me aláa aá, ‘Mod awě wényĩnnē nées edæðəŋ é Dyöb ésúde á nló mín, bon étyéém áhed, mǎḍdusén bad ne Edæðəŋ éche Esáá.’

34 Nnyíné nímén mekan mésyǎāl, mbíde-’ε mbón nén méé mó adé Mwǎn a Dyöb.”

Bembapεε bé’sō ábe Yesue

35 Nées bìn é’sǎngé ámpē, Jɔne ambé áhed ne ábē bembapεε bébe.

36 Annyín nées Yesue átóméé. Adě ányiné mó, anhób aá, “Nyénəne’, Mwǎn-a-Ndyəŋ mí mbód a Dyöb mô ne.”

37 Adě ábê bembapεε bébe béwógé nê, bêmbootéd Yesue ahíd.

38 Ade Yesue ánóné ámbíd bon anyín nêṅgáne behídeé mó ansedéd bó aáken, “Cheé nyéhedeé?” Bêntimtén mó bán, “Rabai” (awě adé bán meléede) “Hée édyé’é?”

39 Anláá bó aá, “Nyéhyag, nyényín wées rídyεε’é.” Né-ḗ, bēnkě anyín wées ádyεε’é. Ade bépédé áhed ébedé dyam ngəŋ éniin é ngukél. Bēndyéé-’ε áhed káəŋ bìn é’híntén bó.

40 Atíntê e ábê bembapεε bébe ábe bēnwōg dyam áde Jɔne ánhōbpē bon behíd-te Yesue, nhóg abédé dīn bán Andreyā. Andreyā abédée Siməŋ Petro mwǎnyaŋ.

41 Né-óó dyam dé'sō, ankĕ mwănyan Simōne ahed. Anyíné-'aá mó bon ălāngē mó aá, "Sēnyiné Ane-awĕ-Béwógté" (nédē Krīstəə).

42 Dóo Andreyā ápééné Simōne wĕe Yesue. Yesue anōné-'aá Simōne chóōŋ, bon áhōbē aá, "Edii Simōne, mwăn awĕ Jone. Béchagé we bəob bán Sepase." (Adén dīn ádii melemlem nĕe Petro, nĕ ádé ndim e aláá.)

Yesue achénlé Filibe bó Nataniél

43 Nĕe bīn é'sāngé, Yesue ammad aá mókag á mbwóg e Galilia. Dóo ákí Filibe atán bon ălāngē mó aá, "Hídé me."

44 Filibe abédĕe mod a dyad á Betsaida, melemlem mé dyad ádĕ Andreyā bó Petro bémbídtĕ.

45 Filibe anyín Nataniēle. Hĕe ălāngĕé mó nĕn aá, "Sēnyiné ane mod awĕ Mosee ántenlé mam áyāl echĕ áwe mbéndé-te. Móo kóōŋne bekal-bé-e'dəádəŋ bĕntenlé mam á yāl. Adii Yesue mod a dyad á Nazaret, mwăn awĕ Josebe."

46 Hĕe Nataniēle ásedtĕé mó aáken, "Dyam á bwâm áhéé áhele ábíd á Nazaret?" Dóo Filibe ălāngĕé mó aá, "Hyĕ ényín."

47 Ade Yesue anyíné Nataniēle ahúe', dóo áhóbĕé áyāl echĕ aá, "Nyénone, mwăn a Israel nĕn sóm-sóm, awĕ mbeltéd ntyéémé!"

48 Hĕe Nataniēle ásedtĕé mó aáken, "Chán émwédé me abii?" Hĕe Yesue ákwentanné aá, "Filibe adĕhób aá móchage we, nnyiné we á alín á ngəl sé."

49 Hĕe Nataniēle áhóbĕé aá, "A meléed, edii Mwăn a Dyōb. We-éé edé kĕn e bad bé Israel."

50 Yesue antimtén mó aá, “Edúbpé áyāle nlanḡé we meé nnyíné we á alín á ngəl sé. Weényin mam mímě métómé nén.”

51 Héé ábádéé aá, “Ne mbále, nlanḡe nyé nén meé, nyéēnyin née dyōb ánédnéde nyēnyin-ne née ángel é Dyōb échágkéé ésudé-’ε Mwān-a-Moonyon amín.”

2

E’wóngé á dyad á Kana

1 Ambíd e e’pun é’be, e’wóngé bémbē á dyad á Kana á mbwóg e Galilia. Yesue nyaá ambé áhed.

2 Bénlēbē Yesue ne ábē bembapεε bómpē á e’wóngé wê.

3 Mím mēmmaá áte. Hê dōo Yesue nyaá ápédé áwē boḡ álāḡē mó aá, “Mím mémáá bó.”

4 Héé Yesue álāḡéé mó aá, “A-nyan, weetāḡεεεé me dyam áde ntāḡéné abel aláa. Echem pónde eépédéé.”

5 Héé nyaá akíi bembəlede bé ngande bē aláa aá, “Nyébel kéchéé éche álāḡé nyé aá nyébel.”

6 Bōob-pōó, mbeé é meláá ébéde benben ne áhed. Echê ndín é mbeé chōo bad bé Israel bēbēnládtáá áhé mendíb áte á nwobe ní yāl á pónde e mekáne echâb. Ké ehéé etedé’áá dyam mbwókεl e líta e mendíb.

7 Héé Yesue álāḡéé bembəlede bé ngande bē aá, “Nyélóned mbeé chē ne mendíb.” Né-ōó, bēnlōnēd échē mbeé hōod ne mendíb. 8 Dōo álāḡéé bó aá, “Nyékəbe-ōó mendíb bōob, nyékeεεn wée mod awē alyáḡte’ mekan mé ncháged.” Né-ōó, bēmbēl áned.

9 Ade ane mod áwógléné mímē mendíb míme mémáá mím atim, enkēmbíí’ε wée mébidé,

(boŋ bembəleε ábe bēnkĕ nímē mendīb akəbe bémbíi). Dóo áchágé mod awē akude sómbé,

10 boŋ álāngē mó aá, “Mod téé abelé asébe achágtén bad mím nímē mébóó. Bad bémaa-’áa mó amwé bwāmbwam, boŋ ábagé bó nímē mééboo. Boŋ wε, etimé ekōŋgé níme mébóó káəŋ ne bəəb.”

11 Mmén menyáké nímē Yesuε ábelé á Kana á mbwóg e Galilia móo mébédé ábē e’chemléd é’sō. Hē dś-’áá álúmté échē ehúmé, ábē bembapεε bēnsūm-mε nímab nlém áwē.

12 Néε nén áamá atóm, Yesuε ansyógé á dyad á Kapenahum nchoo ne nyaá, baányəŋ ne ábē bembapεε. Bēndyεé-’ε áwed nguse é e’pun.

*Yesuε anané bekáb bé nyoŋgé á Ndáb-e-Dyöb
(Mat 21.12-13; Mak 11.15-17; Luk 19.45-46)*

13 Adē pón dé e Ngande e Nnyíime-ámín ékwógé bad bé Israel apε, Yesuε ankĕ á dyad á Jerusalem.

14 Adē ápédé áwed, ankĕ á Ndáb-e-Dyöb. Antán néε bad békábεé dyəŋ. Bésómé-’-áá nyag, mbód ne mbəŋgé, bepεle-bé-məné-’ε bépenlé məné.

15 Héε átédé nkəəd, ámané etaŋgú ánanné bó nchoo ne échab mbód ne nyag á Ndáb-e-Dyöb wē. Ampántéd məné nímē bad bépénlé’áá áte, ákūnē-’ε betébelε ábe bépénlé’áá nímē məné ámín mekuu ámín.

16 Anláá bad ábe bésómé’áá mbəŋgé aá, “Nyébidən beləə bēn á ebwóg. Nyéētímté ndáb echē echem Sáŋ ndáb e dyəŋ.”

17 Adē ábē bembapεε bényíiné nē, dóo békámténé epεd é kálag e Dyöb éche éhóbe nén bán “A-Sáŋ, kán echē níwóó áyāle echoŋ ndáb ěwū mε.”

18 Hée benkamlene bé bad bé Israel bétímé ámbíd, bésedté mó bánken, “E’chemléd é’hée éhele elúmed sé ábel sébíi bán ewóó kunze ábel enén ndín e dyam?”

19 Yesue antimtén bó aá, “Nyépân enén Ndáb-e-Dyöb, mǎlōŋ chó ámpē áyāle e’pun é’láán.”

20 Dóó ábē bad béhóbēé bánken, “Enén ndáb echē bétédé móom mé mwě méniin ne mwě ntóób chóó éhóbēé wée móǎlōŋ áyāle e’pun é’láán-ε?”

21 Bon ndáb echē Yesue áhóbé’áá ebédéε dásō eche yǎl.

22 Né-óó ámbíd eche Yesue áwédé bon Dyöb ápūūd mó, dóó ábē bembapεε békámténé dyam ádē ánlāá’ é bó. Béndübē mam nímě méténlédé á kálag e Dyöb, bédúbé-’ε e’yale ábe Yesue ánhōbpē.

Yesue abii mod asyǎál nlém áte

23 A pónde e Ngande e Nnyíme-ámín, áde Yesue ámbēē á dyad á Jerusalem, bad híin béndübē mó ngáne bényínnē menyáké nímě ábeleé.

24 Bon ké nê, Yesue enkensummé nlém áwāb, áyāle ambíi moosyǎál áte.

25 Modmod enkéntǎŋénné mó dyam aláa tǎŋgene mod ampée áyāle mwěn ammad moonyon asyǎál nlém abii áte.

3

Yesue bó Nikodemuse

1 Mod nhóg abédé bán Nikodemuse. Abédéε nhóg awě alyógté’áá bad bé Israel abé-’ε epepé é bad bé Farisia.

2 Mbwe nhóg ampě wée Yesue nkuu, álǎŋgē mó aá, “A-meléed, sêchemé nén bán, edii meléede

awě Dyöb álómé. Ayāle nzé Dyöb déesě ne mod, eéhēlēē-se ábelé mekan mé menyáké nímé ébeléé.”

³ Yesue ankwentén mó aá, “Ne mbále, mod-mod eéhēlēē-se asól á nkamlen ní Dyöb ésebán achyáádté ámpē.”

⁴ Nikodemuse-’ε ansedéd mó aáken, “Chán mod awě amaá akwog áhēle se achyáád ekóólé-ekóólé? Eesaá mbále nén bán eéhēlēē-se asól á abum ádē nyaá ngen échě élónténé éβε ábel béchyáa mó ámpē-ye?”

⁵ Dóo Yesue átimtanné mó aá, “Ne mbále, nlânge we mée, nzé béechyáa mod ne mendíb ne Edáádəŋ eéhēlēē-se asól á nkamlen ní Dyöb.

⁶ Ane awě achyáádté ne moonyon a ekob, adíi moonyon. Awě mó-’ε achyáádté ne Edáádəŋ é Dyöb adíi Edáádəŋ.

⁷ Weebág menyáké ngáne ríhóbé mée ‘Mod atánǵéné achyáád ekóólé.’

⁸ Nzé epub éhóbé bán chó étóme’, ped echě édáá akε chóó ékagké. Ewóge’ ntogag míme ébeléé bon weebí’é wée ébídéé ké’ε wée ékagké. Melemlem nê dóo édíi ne mod ké ahée awě achyáádté ne Edáádəŋ é Dyöb.”

⁹ Héε Nikodemuse ásedtéé mó aáken, “Chán nén áhēleεε ábenled?”

¹⁰ Yesue ankwentén mó aá, “Née édíi meléede ambáá a bad bé Israel weéhēlē’ nímén mekan asōŋten-ne?”

¹¹ Ne mbále, nlânge we mée, dyam áde sébíi dóo séhóbéé. Sébíde-’ε mbón ne dyam ádē sényíné. Bon nyé modmod nyéēkwentεnéé chōm éche séhóbéé adúbe.

¹² Née rílánǵéé nyé mekan míme médé mekan mé nkōŋsé, nyéedúbpe, chán-nō nyémwée adúbe nzé

nláŋgé nyé mekan nímě médé mekan me nkoŋ ní mǐn?

¹³ Modmod eékǐ' é á nkoŋ ní mǐn étōm éé Mwǎn-a-Moonyoŋ awě abíde áwed boŋ ápe á nkōŋsé.”

¹⁴ Ngáne Mosεε ámbom éé nyǎ á akon* boŋ atíí dó ámǐn á ehyáŋge, melemlem nê dóó bétǐí' é Mwǎn-a-Moonyoŋ.

¹⁵ Nén débenléd ábel boŋ kénz éé awě adúbpé mó ákud alongé áde déemaá'.

¹⁶ Dyōb átómténé bad bé nkōŋsé adəŋ. Né-óó anlóm nímē mpəm ní Mwǎn ábel kénz éé awě adúbpé mó eewág boŋ ákud alongé áde déemaá'.

¹⁷ Dyōb dénkēnlómmé awe Mwǎn á nkōŋsé ákáad bad. Alongé á bad dóó ánlōmmē mó ásoŋ.

¹⁸ Kénz éé awě adúbpé mó eékwaá nkáásé, boŋ kénz éé awě eedúbpé mó, amaá nkáásé akwe áyāle eedúbpéé mpəm ní Mwǎn ní Dyōb.

¹⁹ Nén dóó mbakú e Dyōb édíí: E'nyínen bé ekíde é'pédé á nkōŋsé, boŋ baányoŋ bédáá ehíntén tómaa e'nyínen bé ekíde áyāle nímāb mbeltéd níde mbéb.

²⁰ Kénz éé awě abele mbéb, akóó ábê e'nyínen bé ekíde, éepaá-'aá á e'nyínen bé ekíde-tê ábán nén nímē mbeltéd mé mbéb méēbídē áwed.

²¹ Boŋ kénz éé awě abele mam mé mbále, abíde' á e'nyínen bé ekíde ábel nén bad bényín bán kéchéé éché ábeléé awógne Dyōb.

Mboŋ echě Jone tǎŋgene Yesue

* **3:14** Nyǎ eche Mosεε ámbom éé ebédéé nyǎ echě ámbenlé. Nê dóó Dyōb démbenlé áhood bad ábe nyǎ énlēdtē á ehyáŋge. Nzé bad bēnnōn ene nyǎ, bédyēē bwām. Nəm 21.9.

22 Ambid e nê, Yesue ne ábē bembapεε bēnkě á mbwóg e Judeya. Bóbōō bēndyεé áwed nguse é e'pun, ádusán-ne bad.

23 Jone mómpē adusánáá bad á dyad á Anon benben ne á dyad á Salim áyāle mendib mémbe áhed bwāmbwam. Bad békágé'áá áwē, ádusán-ne bó.

24 Nén ábédé byánán bēhē Jone á mbwóg.

25 Bōōb-pōó, donge dé bembapεε ábe Jone bépéntánnáá ne mod a Israel tēngene nwohe ní yāl.

26 Dōó bépédé wée Jone bon bēlāngē mó bán, “A-meléed, ekamtan mod awě nyúmō nyēbédé á ped e edib é Jodan eníní? Mod awě éhóbé'áá mam á yāl eché. Nōné! Mōó adusan bad níní! Bad híin békagke áwē.”

27 Jone ankwentén aá, “Modmod eéhēlēē-se ákud chōm, ésebán Dyōb ábágé mó chó.

28 Nyēbēn nyédé me mbōn nēn bán menhób meé saké me ndé Ane-awě-Béwógté. Dyōb dénlōm me á'sō ábonŕsen bad áyāle epε éche Ane-awě-Béwógté.

29 Mod awě akude sómbé móó awóó sómbé. Bon nsón-a-echoŕ a mod awě akude sómbé, awě atyéeme mó á nkæg áwōglān mó, abág menyinŕge nzé awóge mó ehób. Né-ōó, nēn dōó ákáá bon nlón ne menyinŕge.

30 Edúbé échē étāngéné néε échágkéé, échēm-me ésude'.”

Ane awě abidé ádyōb atómé moosyáál

31 Ane awě abidé ádyōb atómé moosyáál. Ane awě mó'-ε achyáádté á nkōŕsé adii mod a nkōŕsé, áhōbē'-ε mam mé nkōŕsé, bon ane awě abidé ádyōb adé ámīn e moosyáál.

³² Chõm éche ányíné ne éche áwógé chõõ áhóbéé boŋ ké nê, modmod eedúbpéé mó.

³³ Boŋ kénzéé awě akobé chõm échě áhóbé, né akwεnténé ne nlém rísyāā́l aá Dyõb ádé mbále.

³⁴ Póle e Dyõb chõõ mod awě Dyõb álómé áhóbéé áyāle Dyõb déenā́nēé ámbíd nzé abage' mod échē Edā́dā́ŋ.

³⁵ Titéε adā́á awe Mwān, abagé-'ε mekan mésyā́l áwē mekáá.

³⁶ Kénzéé awě asumé nlém wéε ane Mwān, akudé alongé ádé déemaá'. Boŋ kénzéé awě eébélē' ngáne áhóbé éekudté alongé áde déemaá', ā́bē akud nkógsen rí Dyõb.

4

Yesue ne mmwadd a Samaria

¹ Yesue ambíí aá Befarisia béwógé nén bán mókude ekud é bembapεε tómaa ne Jone, módusan-ne bó.

² (Kénéε Yesue mwēn éedusannaá bad, ā́bē bembapεε bóó bédúsā́nnā́ bad).

³ Awóg áde Befarisia bénwōgkē nê dēmbḗl Yesue anhidé á mbwóg e Judeya átim ámbíd á mbwóg e Galilia.

⁴ Byánán ā́pe á Galilia antā́ŋgēn nēε ápóó a mbwóg e Samaria.

⁵ A mbwóg e Samaria wê ampě á dyad áde béchā́gēé bán Sika. Adén dyad dēmbḗ benben ne ndā́b echě Jakōbe ámbēé mwān Josebe se e' bṓd.

⁶ Ayāle ene ndā́b echóg éche bélímé éche bébwéle'áá mendíb áte émbḗ áhed. Echén echóg é mendíb ébédéε éche Jakōbe. Ngáne eke énkāmḗdtē

Yesue andyεé á nkæg mé échê echóg é mendíb. Nén ábédé dyam-ée ádé kəd.

⁷ Hée mmwaád a Samaria nhóg áhyédé mendíb abwel. Yesue anláá mó aá, “Hé me mwă mendíb mé amwé.” ⁸ Enén pónde Yesue ábē bembapεε bēnkě á dyad-tē áchan ndyééd.

⁹ Hée ane mmwaád átimtanné mó aá “Ebé mod a Israel, me-’ε mbé mmwaád a Samaria, échōmē me mendíb-ε?” (áyāle bad bé Israel ne bad bé Samaria béechemtannaá.)

¹⁰ Hée Yesue ákwentanné mó aá, “Nzé wembíi mendε mé Dyöb, ebíi-’ε mod awě ahεdne we mendíb, né ehědné me mendíb. Né mbagé-’ε we mendíb míme mébage alongé.”

¹¹ Ane mmwaád ankwentén mó aá, “A-Sán, ké chōm éche bébwεnléé mendíb weewóo’é, echóg é mendíb-pε échábé áse, hée wétēdtē míme mendíb míme mébage alongé.

¹² Echēd sáá ambáá Jakōbe mōnlyógnéd sé échén echóg é mendíb. Mwěñ, ábē bán ne ábē e’lém é’syāāl, hén-εé bémwágé’áá mendíb. Nédē ehóbe bōōb wεé mótōmē Jakōbe-yε.”

¹³ Yesue ankwentén aá, “Kéznéé awě amwédé mímén mendíb, píd ēbē ekób mó.

¹⁴ Boñ kéznéé awě āmwē mendíb míme mébéé mó píd éekóbpé mó mbēd. Mendíb míme mébéé mó, mébē mó áte née n’yélé míme méēlēnē’. Mmē mendíb mébě mó alongé áde déemaá’.”

¹⁵ Hée ane mmwaád álângeé mó aá, “A-Sán, bεé me míme mendíb ábel nén píd eekóbé mémpē, meépāg-ke hén ábwel mendíb ámpē.”

¹⁶ Dóo Yesue álângeé mó aá, “Kăg, éke échæg awon nchóm, boñ étim ámbíd hén.”

17 Ane mmwaád antimtén Yesue aá, “Mewóó’é nchóm.”

18 Dóo Yesue áhóbéé aá, “Ekalé mbále wéé móowóó’é nchóm. Ayāle ekéwōḡ bechóm bétáan, ké ane mod-te awě nyúmō nyêdé bōob eésaá awon nchóm. Dyam áde éhóbé ádé mbále.”

19 Awóg áde ane mmwaád áwógé nê dóo álângeé Yesue aá, “A-Sán, nnyíne nén meé edii nkal é’dáádəḡ.

20 A mbōod-mín hén dóo ábēd besáá bébágé’áá Dyōb edúbé, boḡ nyé bad bé Israel nyêhóbe bán á Jerusalem dóo bétəḡéné Dyōb edúbé abe.”

21 Héé Yesue álângeé mó aá, “A-mmwaád nén, sóḡtén chōm éche rílanḡéé we. Póndé ehúé’ eché nyéebaá Titéé edúbé á mbōod-mín hén ké’ε á Jerusalem.

22 Nyé bad bé Samaria nyêbage chōm éche nyéebíi’é edúbé. Boḡ sé bad bé Israel sêbage mó edúbé ngáne sébíí mó áyāle nén e’sooson é’húú dásō ne bad bé Israel.

23 Boḡ póndé ehúé’, emaa’-ε ne ape, eché bad ábe bêbage Titéé edúbé ne nlém nhóg bēbēé mó échē edúbé á Edáádəḡ ne á mbále-tê. Echê ndín é bad chōo Titéé áhedéé aá bêbage mó edúbé.

24 Dyōb ádii Edáádəḡ, bad-te ábe bêbage mó edúbé bétəḡéné mó chō abe á Edáádəḡ ne á mbále-tê.”

25 Héé ane mmwaád álângeé Yesue aá, “Mbíí meé Ane-awě-Béwógté əpě. Póndé eché əpéé, ətānlēd sé mekan mésyāḡl áte.”

26 Héé Yesue álângeé mó aá, “Me awě sóo dekale’ me-éé ndé mó.”

27 Ene póndé chēn dóo ábē bembapeε bépédé.

Yǎl enkóm bó áte ânyín née ákanléé mmwaád. Boŋ bó modmod eésedtéé mó aáken, “Cheé éhedéé?” Ké-’é “Cheé nyé ane mmwaád nyékaléé?”

28 Ane mmwaád antedé apom dé mendíb, átim ámbíd á dyad-tê, áke aláá bad aá,

29 “Nyéhyag, nyényín mod awě aláŋgé me mam mésyāāl míme níkémbenlé. Nyé bán, saké Ane-awě-Béwógté awě bésinéé nén-ε?”

30 Dóó ábê bad behídté á dyad-tê áke dé atán Yesuε.

31 Ene pón dé, bembapεε ábe Yesuε bécháá’áá mó bán, “A-meléed dyé ndyééd.”

32 Boŋ Yesuε ankwentén bó aá, “Nwóó ndyééd e adyé echě nyéēbí’é.”

33 Héε ábê bembapεε bésedtéé nhóg ne aníníí bánken, “mod múmó apiínédé mó ndyééd-ε?”

34 Dóó Yesuε aláŋgéé bó aá, “Echem ndyééd edii ábel nsón míme mod awě alómé me, áhóbé aá mbél, ámad-ε mó.

35 Ngómē nyéyǒgké ahób bán ámbíd e ngon éniin, né pón dé e mbote epedé? Nyénone’, nláŋge nyé nén méε nyékéled díđ áte, nyényín ngáne mbote é máá mboŋsén abé, ápád á nzag-tê.

36 Ké bǒǒb mod awě apáde adé míme nsábe akud, alade mbote é alonǵé áde déemaá’, ábel nén mod awě awéne bó mod awě apáde bó moosyāál bébê menyinǵe.

37 Né-ǒó ngan echě békaléé nén bán, ‘mod nhóg awénéé, aníníí-’ε ahúd edé mbále.’

38 Mε-εé nlómé nyé mbote áke dé apád éche nyéēwénéé. Bad bémpēe bébélé nsón, nyé-’ε nyétombwan bó nsón.”

Bad bé Samaria hiin bédúbpe

39 Bad bé Samaria híin ábe bémbíid áde dyad béndübē Yesue áyāle mam mīmē ane mmwaád ánlāá'é bó. Ane mmwaád anláá bó aá, “Alánge me mekan mésyāēl míme níkémbenlé.”

40 Né-ḡó, áde bad bé Samaria bépédé áwē, bēnchāḡ mós bān ádyēē áwāb dyad. Né-ḡó, andyēé áwed e'pun é'be.

41 Bad híin bémpēe béndübē mós áyāle áde ayóge.

42 Bēnlāā ane mmwaád bān, “Saké dyam áde élāḡē sé dēmpen dós ákóá boḡ sēdúbé Yesue, boḡ sébēn sēwógné etúu, sēbíí-'e bān mwēn-éé akōḡté Nsoode a nkōḡsé abé.”

*Yesue achōḡté mwān
a mod ambáá a ngómenaa*

43 Ambíid e e'pun é'be Yesue anhidé á mbwóg e Samaria, áke á mbwóg e Galilia.

44 Yesue mwēn anhób aá, nkal é'dáédəḡ eewóó'é edúbé áwē dyad.

45 Ade ápédé á mbwóg e Galilia, bad bēnkob mós. Bēnkob mós áyāle bémbē á Ngande e Nnyíme ámín á Jerusalem, bényín-ne mam mésyāēl míme ámbenlé.

46 Héē Yesue átímé ámbíid á Kana, wéē ântimédte mendíb mīm. Ahed-te dós mod ambáá a ngómenaa ábédé awē mwān ákónlé'áá á dyad á Kapenahum.

47 Ade ane mod áwóge bān Yesue ábíidé á mbwóg e Judeya apedé á mbwóg e Galilia, ampě áwē, achāḡ mós aá áchood mwān, awē ambé benben ne kwééd.

48 Yesue anláá mós aá, “Nyé modmod nyéedúbpéé kóəḡ né nyēnyíne e'chemléd ne menyáké.”

49 Ane mod ambáá a ngómena a anláá mó aá, “A-Sán, hyäg, dékag kwééd edé ehób bán chó ekóbe awem mwän.”

50 Yesue antimtén mó aá, “Käg, awon mwän äbē á alongé.” Ane mod andúbé e’yale ábe Yesue, ákē-’ε.

51 Ade ane mod ádíí adé á nzii e esú dóo ábē bembæledε bebómné mó, bon bēlāngē mó bán, “awon mwän äbē á alongé.”

52 Dóo ásédte bó pónde echē ane mwän âmbootédte bwām abé. Bēnlāā mó bán, “Ahéb dēntédé mó chän á ngān póg.”

53 Dóo ane mod ákámtné aá nímē melelem mé pónde móo Yesue ánlāā’é mó aá, “Awon mwän äbē á alongé.” Né-óó, bóobe eche ndáb bēndübē Yesue.

54 Abén e’chemléd bóo bēmbē e’chemléd ábe é’lonténé é’be ábe Yesue ámbenlé áde ábidé á mbwóg e Judeya bon ápē á mbwóg e Galilia.

5

Yesue achōnté eped é mod

1 Ambid e nímén mésyāāl, Yesue ankē á Jerusalem á ngande e bad bé Israel.

2 A Jerusalem wê, benben ne Nsəl mé E’ké mé Ndyon mí mbód, eton ébédé áhed. Echén eton béchágé’áá chó á ehób é bad bé Israel bán Betzata. Enwōn mebepé métáan.

3 A mebepé-te wê, bad bé nkole bēnkūmēn áhed, ábe bēkwédé ndím, ábe bédé e’ped é’ bad ne ábe bēwédé eped.*

* **5:3** Donje á kálag ábádé nchoo 3b-4: *Abē bad bé nkole bēmbē áhed ásin bán mendib mépuuted áte. 4 Ebédé nén bán, pónde-té ángel eche Sángwéé ehyagáá asud á eton-té wē épuuted chó áte. Nzé émbenléd-te nē, mod a nkole ké ahéé awē ansébé asl áwēd-te nkole nímá’áá mó.*

5 Mod nhóg abédé áhed awě akékolé á etûn é móom mé mwě meláán ne mwě waam.

6 Ade Yesue ápédé áhed annyín ngáne ane mod ánánǵé ásē, abíí-’ε aá nkole mbémé mó á yǎl. Dóo ásédté mó aáken, “Edáá bwâm adyεε-yε?”

7 Ane mod antimtén mó aá, “A-sán, meewóó’ε mod awe ásāléd mε á eton-tê nzé mendíb mépúútédé áte. Nlédte ahób mεé nsól, né mod ampée amaá asól.”

8 Dóo Yesue álánǵéé mó aá, “Syáá ásē, étêd échon ebúm, ékag.”

9 Abwōg-ábwōg ane mod andyě bwâm, ányāg échē ebúm áte, ábootéd-te akε.

Epun éche nén dêmbenlédte ébédée á mbwε-mé-nkóme-áte.

10 Né-óó, annyín áde bad bémbáá bé Israel bényíne ane mod awě Yesue ándidte bwâm, bēnsédéd mó bánken, “Chii áde mbwε-mé-nkóme-áte, nzé dehídé-’ε mbéndé echêd, weetāngεnεé ebúm apém se ébwāgne’.”

11 Boη ankwentén aá, “Mod awě adidé mε bwâm anláá mε aá, “Téd échon ebúm, ékag?” ”

12 Héε bésēdtéé mó bán, “Nzé adé ane mod awě álánǵé wε aá, étêd échon ebúm ékag?”

13 Boη ane mod mwēn enkēnkonǵé Yesue abíi, ngáne Yesue ámmadté asól á amute-tê áde démbē áhed.

14 Ámbíd enê Yesue annyín ane mod á Ndáb-e-Dyōb. Ade ányíne mó, anláá mó aá, “Nōné’, emaá bwâm adyεε. Weébēlē mbéb ámpē ésebé nê, né wētōm atag ngáne étágé’áá nê.”

15 Hê dóo ane mod áhídté, boη ákε álāngē bad bémbáá bé Israel aá Yesue móo adidé mó bwâm.

16 Né-ɔ́, bad bémbáá bé Israel bêmbóótéd Yesuε mekuu ahíd áyāle achõnté mod á mbwε-mé-nkóme-áte.

17 Yesuε antimtén bó aá, “Echem Sáŋ ayǒgké nsón abel, me-’ε ámpē ntǎŋgéné nsón abel.”

18 Enén póle echě Yesuε ánhõbpē, embël yǎl ennabé bad bé Israel atod áte áwúu mós, áyāle saké mbéndé e mbwε-mé-nkóme-áte, chěmpen ábóó bon achagé Dyõb aá Sáá, nédē alúmte’ aá bó Dyõb bétáá.

Ngine e Mwǎn a Dyõb ehúú ne Dyõb

19 Né-ɔ́, Yesuε antimtén ábê bad bémbáá bé Israel aá, “Á mbále, nlânge nyé nén mεé, Mwǎn a Dyõb eébēlēē dyam ké ahóg ne mós mwěŋ. Mekan míme ányíneé Sáá abele’ mós mómpe ábeléé. Kéchéé éche Sáá ábeléé chós mómpe ábeléé.

20 Ngáne édíí nén bán Sáá adəó Mwǎn, alúmte mós chõm téé éche ábeléé. Alúmēd-te mós ndale é mekan éche étómé mímén, ábel ékómed nyé yǎl áte.

21 Ngáne Sáá ápuudteé bad bon ábagé-’ε bó alongé, melemlem nê dós Mwǎn mómpe ábageé alongé wée kenzéé awě ádós alongé abe.

22 Melemlem-’aá Sáá éekāadtēē modmod. Abagé Mwǎn ngine esyǎál ákáad bad.

23 Abelé nê ábel bon bébage Mwǎn edúbé melemlem ngáne bébageé Sáá. Kenzéé awě eébage Mwǎn edúbé, né eébageé ké Sáá awě alómé Mwǎn edúbé.

24 Ne mbále, nlânge nyé nén mεé, kenzéé awě awógé ábêm e’yale bon adúbé mod awě alómé mε, akudé alongé áde déemaá’, béekáád-taá mós. Amaá atóm á kwééd, asólé á alongé.

25 Ne mbále, nlânge nyé meé, pón dé ehúé', emaa-
'ε απε, echê bad ábe béwédé béwōgkē ehób e Mwän
a Dyöb, bad ábe béwōg-ke chó bébē á alongé.

26 Ngáne alongé áhúú ne Sáá, melemlem nê dōo
ábélé áá alongé áhúú ne Mwän ámpē.

27 Abagé-'ε Mwän ngíne ákáad bad áyāle Mwän
adíi ane awě béchəgεé bán Mwän-a-Moonyon.

28 Nén déēkōmtē nyé yāl áte; pón dé ehúé' echê
bad bésyāāl ábe béwédé béwōgkē échē ehób,

29 bébíd-tε á son-tê: Bad ábe bébélé mbon, bépuú
ábé á alongé, ábe bó-'ε bébélé mbéb bépuú békud
nkógsen.

Mbón yāāl wée Yesue

30 “Dyamdyam déesaá áde níhele mbēl ne mmēn.
Ngáne echem Sān álāngé me áá níkáad nê dōo
níkáadtéé, né-ōō mbakú echēm etyéémé. Etyéémé
áyāle meekáádtéé ngáne mmēn nídáá, bon nkáadte'
ngáne mod awě alómé me áhedéé.

31 “Nzé mbídé echem yāl mbón né ene mbón
echē mbídeé eékobnedéé.

32 Bon mod ampée adé awě abíde me mbón,
mbíí-'ε nén meé, mbón echē abídeé me ekōbnédé.

33 Nyēnlóm bad wée Jone, mó-áá abídé mbón
tāngene mbále.

34 Eesaá nén bán, moonyon atāngéné me mbón
abíd. Bon nlāngé nyé tāngene mbón eche Jone, ábel
nyédúbe me, nyékud e'sóson.

35 Jone abédéé néε etrukán éche échodne',
érenté-'ε ekíde. Nyēmbé menyīnge áhíd ábē
e'nyīnen bé ekíde áyāle esón é pón dé.

36 Bon nwóó mbón echē etómé ké mbón echē
Jone ámbídtē. Nsón níme echem Sān ábágé me áá

míbel nímad, mmèn níbide mbón nén bán echem Sán móo alómé me.

³⁷ Echem Sán awě alómé me mwèn ámpē abíde me mbón. Nyéewógéé mó ehób, nyéenyíné-'aá mó mbéd.

³⁸ Nyéedúbpéé ane awě alómé, né-óó nyéemwagké bán échē eyale édyεε nyé á nlém-té.

³⁹ Nyékídte' Eyale é Dyöb ahed áte áyāle nyéwēmtan bán nyééküd alongé áde déemaá' áwēd-te. Echén Eyale chēn-éε éhóbe áyāl echēm.

⁴⁰ Ké nê, nyééhēdēē ape áwēm ábel bon nyékud alongé áde déemaá'.

⁴¹ “Saké edúbé é baányon rhedéé.

⁴² Bon mbíí nyaa é bad éche nyedíí, mbíí-'ε meé nyéewōnεé Dyöb edange á nlém-té.

⁴³ Mpedé á dīn áde echem Sán, nyéēkobεé me, bon nzé mod ampée apedé á dīn ádē dēn, nyéēkob mó.

⁴⁴ Nzé nyêkene' nhóg ne aníníí, nyéwōgē bwām, bon nyéēbēlēē ngáne Dyöb dēn dékenné nyé. Chán-nō nyédūbēē me?

⁴⁵ Ké nēε nyéekobεé me, nyéewémtán bán, me-εé mēlāā echem Sán meé nyéēkobεé me. Mosεε awě nyélyágé nlém áwē mwèn-nεé akōjté ane abé awě áhób aá, nyébelé mbéb.

⁴⁶ Nzé nyênkōn Mosεε adúbe né nyédúbpé me, áyāle nén, áyāl echēm dōó ántenlé mam níme átélé.

⁴⁷ Bon nēε nyéedúbpéé mekan míme átélé, chán nyédūbēē ábēm e'yale?”

6

*Yesuε adídté ndun e mod
(Mat 14.13-21; Mak 6.30-44; Luk 9.10-17)*

¹ Ambid e nímén mésyā̄l, Yesue ne ábē bembapεε bēnchabé edib é Galilia éche béchægεé bán edib é Tiberia.

² Ndun e mod ehídé'áá mó áyāle bényíné'áá menyáké níme ábélé'áá ngáne áchóónté'áá bad bé nkole.

³ Héε Yesue ne ábē bembapεε békíí á ekone-mín bonj bédyēē ásē.

⁴ Póndé e Ngande e Nnyíme-ámín e bad bé Israel embé benben.

⁵ Asad áde Yesue ásádé dīd annyín ngáne ndun e mod éhúé'é mó benben. Dóó ásedtεé Filibe aáken, “Héε déchanné ndyééd echē débεé ábén bad ádyé?”

⁶ Ansedéd mó nê ákæg mó áyāle mwēn ammad abíi chōm éche ábenlé.

⁷ Filibe ankwentén aá, “Etēd tómaa ne mbwókel é kábpe éβε áchan ndyééd éche ékwognéd ábén bad bésyā̄l adyé ábel bonj mod téé ádyē mwätííd.”

⁸ Dóó Yesue awě mbapεε ampée, Andreya, Simōn Petro mwānyan áhóβεé aá,

⁹ “Mwă kódemod adé hén awě awánlé e'wεle é'táan ábe bébénlé ngun é báli, awánlé-'ε súu éβε, bonj chán enén ndyééd éhéλεέ-σε ékwōg enén ndun e mod?”

¹⁰ Dóó Yesue álângeé ábe bembapεε aá, “Nyéláa ábē bad, bédyεε ásē.” Nkəákəə ambud abé á pεd e ádé abwóg a hōm. Né-óó, ábē bad bésyā̄l bēndyεé ásē. A amute-té wē, baachóm bébédé dyam e'kálé é'táan.

¹¹ Héε Yesue átédé ábē e'wεle, ásāgnān Dyōb, bonj ábē bembapεε békabpé bad. Ambēl melemlem ne échē súu. Mod-téé andyé ngáne áhédé'áá.

¹² Ade bó moosyā̄l bémáá akód, Yesue anláá ábē bembapεε aá, “Nyélad ndyééd echē elyægé ásē.

Ndyééd ké póg eebébé’.”

¹³ Né-ᵛᵛ, áde bémáá adyé bēnlād ndyééd echě enlyǫǫ ásē, enlón e’lón dyōm ne é’bε.

¹⁴ Anyín áde ábē bad bényíné nímén menyáké míme Yesuε ábélé bēnhōb bán “Ne mbále, nkal e’daádəŋ awě bēnhōbpē bán ǫpē á nkōŋsé mósén.”

¹⁵ Yesuε ambíí aá béhede mós akób ányáged mós ábē kəŋ. Né-ᵛᵛ, antím ámbíd á ekone-mín.

*Yesuε akii á mendib mín
(Mat 14.22-33; Mak 6.45-52)*

¹⁶ Ngukél, bembapεε ábe Yesuε bēnkě á edib.

¹⁷ Bēnsól á bǫle-tē, béchabpε edib, bétimnád á Kapenahum. Ehíntén émmád apε áde Yesuε éepédéé wéε bédíí.

¹⁸ Enén pónde epub é ngine étómé’áá, épúutád-te mendíb áte.

¹⁹ Bᵛᵛb-pᵛᵛ bembapεε bēmmád akε ké máyl méláán ké’ε méniiin, dᵛᵛ bényíné Yesuε akag á mendíb mín, átimnád benben ne ábab bǫle. Mbwóg ní ngine ménkōb bó.

²⁰ Bon anláá bó aá, “Mε-εé ndé, nyéebáá’.”

²¹ Héε bétédé mós á bǫle-tē ne menyinǫge, ábwōg-ábwōg bépēēn-ne bǫle á nkin wéε békágé’áá.

Yesuε mós adé ewele éche ébage’ alongé

²² Néε bīn é’sánǫgé, ndun e mod echě enlyǫǫ á múde mé edib mímíníí wéε Yesuε ne ábē bembapεε bēmbídtē, bēnchem bán, ngukél echě entóm, bǫle e’hóg bēnpεn bᵛᵛ bēmbē áhed. Bēmbīí-’ε bán Yesuε enkēnsónlé áwēd-te ne ábē bembapεε. Bēmbīí bán ábē bembapεε bēnpεn bᵛᵛ bēnkě.

²³ Myǫle mémpeē míme mémbíid á dyad á Tiberia mēmpě á nkin mé edib benben ne hōm áde ene

ndun e mod éndyēē e'wēle ámbīd echē Sánḡwéé áamáá Dyōb aságnen.

24 Ade ene ndun e mod ényíne nén bán, Yesue ne ábē bembapεε béesaá áhed, bénsōl á myōle-tē wē, békē á Kapenahum, áke dé ahed Yesue.

25 Ade ábē bad bépédé á pēd e edib eníní, bényin Yesue. Bēnsēdéd mó bán, “A-meléed, pónde ehéé épédé hén?”

26 Yesue ankwentén bó aá, “Ne mbále, nlānge nyé nén mēé, saké menyáké nímě núbélé nkáá bon nyéhede me. Nyéhede me áyāle e'wēle ábe nyédyéde bon nyékód-te.

27 Nyéewág ntū áyāle ndyééd echē ebōode', bon nyéwág ntū áyāle ndyééd echē ebāg abé ne abé á alongé áde déemaá', chó-'aá ebage alongé áde déemaá'. Ene ndyééd chōó Mwān-a-Moonyon ábēé. Móó Dyōb Titée áhédé e'chem aá ábel nē.”

28 Dóó ábē bad bēnsēdéd Yesue bánken, “Cheé sétāngéné abel, ábel bon sébel mekan míme Dyōb áhedéé aá, sébel?”

29 Yesue ankwentén aá, “Dyam áde Dyōb áhedéé aá nyébel ádíi ádúbe me awě álómé.”

30 Bēntimtén Yesue bán, “Menyáké méhéé wēbenlé míme sényinnē bon sēdúbé wε. Cheé mmōn wékongé abel?”

31 Abēd betaa bēndyē mána á ehyānge ngáne éténlédé á kálag e Dyōb nén bán, ‘Ambag bó e'wēle ábe é'bídé ádyōb aá bēdyē.' ”

32 Yesue anhób aá, “Ne mbále, nlānge nyé nén mēé, saké Mosεε móombě nyé ewele éche ehúú ádyōb, bon echem Sán móombě nyé ewele éche ehúú ádyōb.

33 Ayāle me-εέ ndé échê ewele éche Dyōb ábágé, échê éhúú ádyōb, échê ábagεέ baányonj bé nkōjsé alongé áde déemaá’.”

34 Dóo bélânjεέ Yesue bán, “A-Sánj, bagé sé échén ewele pónde ésyāāl.”

35 Yesue anláá bó aá, “Me-εέ ndé ewele éche ébage alongé áde déemaá’. Kénzée awě apedé áwêm, nzaa éekóbpé mó ámpē. Kénzée awě adúbpe me, píd éekóbpé mó ámpē.

36 Nlángé nyé nén meé nyênnyíne me bon nyéedúbpeé me.

37 Bad bésyāāl ábe echem Sánj ábágé me, bépě áwêm. Kénzée awě apedé áwêm, méebánjé mó akob.

38 Ayāle meebídeé ádyōb ábel ngáne ébóhnedé me. Mpedé ábel ngáne ébóhnedé echem Sánj awě alómé me.

39 Bon nén ádíi mewêmten míme ane awě alómé me, aá átintê bad bésyāāl ábe ábágé me, meebódé ké nhóg, bon aá mípuud bó moosyāāl á epun é asóg.

40 Echem Sánj ahede aá moosyāāl awě anyíne mwăn, adúbé-ε mó, ákud alongé áde déemaá’. Měpuúd-te bó á epun é asóg.”

41 Abê bad bé Israel bêmbootéd anyoo áte tânjene Yesue, ahób áde áhóbé aá, “Meé ndé ewele éche ébídé ádyōb.”

42 Hê dóo béhóbεé bánken, “Saá Yesue, mwăn awě Josebe nén-ε? Ngómē debíí sáá ne nyanj? Chán-nō áheleεε áhōbē aá móbídē ádyōb?”

43 Yesue anláá bó aá, “Nyésóg anyoo áte.

44 Modmod éēhēlē-se ápe áwêm, ésebán Titée awě alómé me apεéné mó áwêm. Měpuúd-te mó á epun é asóg.

45 Eténlédé ngáne bekal bé'dəádəŋ bəhóbé nén bán 'Dyöb dəyāgēd bó moosyəál.' Kénzée awě awóge', áyāgkē-'ε wée Titée, apag áwēm.

46 Eesaá nén bán, mod ké nhóg akényĩn Titée. Ane awě abídé wée Dyöb mwəmpən móo akényĩn Titée.

47 Ne mbále, nlānge nyé nén mée, kénzée awě adúbpé me äküd alongé áde déemaá'.

48 Me-εé ndé ewele éche ébage alongé.

49 Abēn betaa bəndyē mána á ehyānge, boŋ ké nê, bənwē.

50 Boŋ ewele éche ébídé ádyöb édé nyaa echě kénzée awě adyédé chó éewáá.

51 Me-εé ndé ewele éche ébage alongé éche ébídé ádyöb. Kénzée awě adyédé echě ewele, äbē á alongé á ngíndé ne á ngíndé. Echén ewele éche mébée nyé édii echem yäl echě mébē äbəl boŋ nkəde alongé dé nköŋsé."

52 Ade ábê bad bəwógé nê, bēnlīŋ, bēn ne bēn bébootéd-te mpentən ní ngíne, bésədté bánken, "Chán anén mod áhele atéd eche yäl, ábe syánē aá dédyāg?"

53 Yesue anláá bó aá, "Ne mbále, nlānge nyé nén mée, nzé nyéedyéde yäl e Mwān-a-Moonyon nyēmwé-'ε mímē mekií, nyéekudté alongé áde déemaá'.

54 Kénzée awě adyédé echem yäl, amwé-'ε mímēm mekií, äküd alongé áde déemaá', mēpuúdt-te mó á epun é asóg.

55 Ayāle echem yäl chō eköŋté ndyééd abé, mímēm mekií-'ε mékoŋ mmíítéd abé.

56 Kénzée awě adyédé echem yäl, amwé-'ε mímēm mekií, alyāgé adé ne me, me-'ε nlyāgé

ndé ne mós.

⁵⁷ Titée awě akəə boŋ bad bėbė á alongé, mós alómé me, mós akəə-’ε boŋ mbė á alongé. Melemlem née kėnzėé awě adyédé echem yǎl, mėbenlé abė á alongé.

⁵⁸ Né-óó, me-εé ndé ewele eche ébídé ádyōb. Meesaá nēŋgáne ewele éche ábēn betaa bėndyēē, boŋ ké nē bėwė. Boŋ kėnzėé awě ádyē echem yǎl ábē á alongé á ngíndé ne ngíndé.”

⁵⁹ Yesue anhób mímén mésyāāl áde áyágté’áá á ndáb e mekáne e bad bé Israel á Kapenahum.

E’yale ábe Yesue é’pene’ alongé áde déemaá’

⁶⁰ Ade bad híin ábe bėhídé’áá Yesue bėwógé mímén mekan bėnhōb bán, “Adén ayáge álélé ahíd. Nzėé ahele ákob ene ndín e dyam?”

⁶¹ Yesue ambíí aá, bėnyoŋge áte áyāl echē, né-óó anláá bós aá, “Nē áwag nyé á yǎl-ε?”

⁶² Chán-nō nyéhōbpē áde nyényĩnnē Mwān-a-Moonyoŋ apumme’ ámbíd ámĩn wée ámbídtē!

⁶³ Edáádəŋ é Dyōb chós ébage’ alongé. Ekob é yǎl éesaá dyamdyam. E’yale ábe nłáŋgé nyé é’dii edáádəŋ ne alongé.

⁶⁴ Boŋ ké nē, nyé doŋge á bad nyéedúbpeé.” (Bootya á póndé éche Yesue ábóótédé ayáged, ambíí bad ábe bėedúbé, abíí-’ε mod awě ášōm mós.)

⁶⁵ Ambád ahób aá, “Nén dós ákəə boŋ nłáá nyé mée modmod eéhēlēē-se ápe awēm kááŋ né echem Sāŋ abelé boŋ ápē áwēm.”

⁶⁶ Bootya ene póndé nē dēnkəŋ bad ábe bėhídé’áá Yesue bėsóg mós ahíd, bėtĩm-me ámbíd.

⁶⁷ Héε Yesue ásedtée ábē bembapeε dyōm ne bėbe aá, “Nyémpē nyéhede atim ámbíd-ε?”

68 Simōn Petro ankwentén mó aá, “A-Sán, wée nzéé sékéé? We-éé ewóó e’yale ábe é’kəə’ boŋ mod ákūd alongé áde déemaá’.

69 Sédúbpé sêbíí-’ε bán, we-éé edé Ane-awě-Asáá awě abídé wée Dyōb.”

70 Héé Yesuε ákwentanné bó aá, “Eesaá mbále bán mpwədə nyé bad dyōm ne bébe-ye? Boŋ ké nê, nyé mod nhóg adii mod a Satan.”

71 Judasε, mwān a Simōn Iskariōde móo Yesuε áhóbé’áá. Kénéé ámbēē mbapεε nhóg átíntê e be-mbapεε dyōm ne bébe, mó ankě Yesuε ntúré.

7

Yesuε ne baányan

1 Ámbíd e nímén mésyāāl, Yesuε akagé’áá mebwóg ne mebwóg á mbwóg e Galilia. Enkëndəŋgé ake á mebwóg e Judeya áyāle bad bé Israel béhéde’áá mó awúu.

2 Bəəb-ρəó, Ngande e E’bem * e bad bé Israel embé benben.

3 Héé Yesuε baányan bélāŋgeé mó bán, “Etəŋgéné ádén abwóg á hōm ahide, éke á mebwóg e Judeya ábel bad ábe béhíde we bényín menyáké níme ébeleé.

4 Mod eébélēē nsón á e’koŋnéd-te, nzé ahede aá móbyéen. Ngáne ébeleé nímén mekan mésyāāl ébel nkōŋsé nisyāāl níbíi we.”

5 (Ké Yesuε baányan bēnkēndúbéé mó.)

* **7:2 Ngande e E’bem:** ebédéé ngande echě bad bé Israel bébéle’áá ákamten pónde echě ábāb betaa bédyéé’áá á e’bem-té áde bébéde á ehyāŋge, áde béhídté á Egipto.

6 Hée Yesue álângeé bó aá, “Echem pónde eépédéé. Boŋ ne nyé, echen pónde edé pónde ésyāāl.

7 Nkōŋsé méehelée-se ríkōō nyé. Boŋ ríkóó me áyāle mpanlad bó rímāb mewusé áte.

8 Nyébó nyékag á ngande. Méekaá áwed áyāle echem pónde eépédéé.”

9 Yesue amaá-'aá ahób nê, abé abé á Galilia.

Yesue akii Ngande e E'bem á Jerusalem

10 Ambíd e pónde áde Yesue baányanŋ bémáá aké á Ngande e E'bem, mómpē ankě áwed. Boŋ enkēnlúmédte yāl. Ankě nyaa echě bad bēnkēmbíí'é ndín e mod echě ádíí.

11 Benkamlene bé Israel béhédé'áá mó á ngandete, bēsedte bánken, “Hée múmó ádíí?”

12 Atíntē e ndun e mod echě embé á ngandete wê, donge á bad béhóbé'áá bán, “Adii mod a bwām,” ábíní-'e bán, “Aáy, adoge bad dogén.”

13 Boŋ bó modmod bēnkēmbídédte yāl áwed áyāle bēbáá'áá bad bēmbáá bé Israel.

14 Ade ngande ékwógé ape átíntē, Yesue ankě asól á Ndáb-e-Dyōb, ábootéd ayáged.

15 Yāl enkóm benkamlene áte bwāmbwam tŋgene áde ayáge. Né-óó, bēnsédéd bánken, “Chán anén mod ámwédé rímén mam mésyāāl abii áde éekii'é á esukéle é mbéndé?”

16 Hée Yesue ákwentanné bó aá, “Ayáged áde rí'yágteé déesaá ádēm. Adii áde mod awě alómé me.

17 Kénzée awě awémténé abel ngáne Dyōb áhedéé, ábii ké ádēm ayáge ahúú ne Dyōb ké'ε ahúú ne mmén.

18 Kénzée awě ahóbne echě kunze, abele nê âhede eche yäl edúbé. Boŋ mod awě ahedte' mod awě alómé mó edúbé, asáá nlém á abum, eésáá mod a metóm.

19 Eesaá mbále nén bán, Mosεε abagé nyé mbéndé-ye? Ké nê, nyé modmod eehídée mbéndé éched. Cheé ékás boŋ nyéhede me awúu?"

20 Dóo ene ndun e mod ékwentanné mó bán, "Edaðəŋ é mbéb édé wε áte. Benzébádé béhede wε awúu?"

21 Yesuε ankwentén bó aá, "Nsón nhóg míme mbélé, nkómté nyé moosyál yäl áte.

22 Mosεε ambě nyé mbéndé aá, nyéyage áben bán (kénée édíf bán, saké Mosεε móombootéd. Abēn betaa bóo bēmbbootéd). Né-əó, nyéyage bad á Mbwε-mé-nkóme-áte.

23 Nzé béyágé mod á mbwε-mé-nkóme-áte, ábel béebōŋ mbéndé e Mosεε, cheé ékás boŋ nyéliné me áyāle ndídé mod bwām á mbwε-mé-nkóme-áte.

24 Nyéekáadté dyam áde mbélé ngáne nyényíné, nyékáad ngáne éhednadté."

Bán Yesuε mōdé Ane awě básiné-ye?

25 Héé dóo donge á bad bé Jerusalem béhóbéé bánken, "Saá mod awě béhedeé awúu mō nén-ε?

26 Nyénəné', akanle bad á t̄al e ékwée, bad bémbáá béesaá-'aá mó dyamyam aláa. Kapóg bébí bán ne mbále, mōdé Ane-awě-Béwógté-yōo!

27 Boŋ éehélé-se ébé nê, áyāle debí bán pónde echě Ane-awě-Béwógté ápée, modmod éebí'ε wée ábídé. Debí wée anén mod ábídé."

28 Yesuε ambé áyāgté' á Ndáb-e-Dyōb. Ade áyāgtéé dóo áchógté ehób ámín aá, "Eε, nyébí me bwām, nyébí-ε wée mbídé. Meépedéé hén ne

mmĕn. Ane awĕ alómé me adé mbále. Nyéebíí'ĕ mó,

²⁹ bon me pen mbíí mó áyāle áwĕ dǎo mbídé, mǎ'áá alómé me.”

³⁰ Ade áhóbé nĕ, béhédé'áá mǎ akób, bon mod-mod enkĕmbánné mǎ ké ekáá á yǎl, áyāle eche pǎndé enkĕmpáá.

³¹ Ké nĕ bad híin átíntĕ ene ndun e mod béndūbĕ mǎ. Béhóbé'áá bánken, “Ade Ane-awĕ-Béwǎgté ápéé, ábĕl e'chemléd bé menyáké, níme nítómé níme anĕn mod ábélé-yĕ?”

Befarisia bĕlómé bad ákób Yesue

³² Befarisia bĕnwǎg nĕe bad bĕnyonǵéé áte, béhóbéé nímmĕn mekan tǎngene Yesue. Né-ǎǎ bǎǎbe beprise bĕmbáá bĕnlǎm bĕmbǎledĕ ákób mǎ.

³³ Hée Yesue áhóbéé áá, “Ndíi ndé ne nyé, bon mwǎmpĭn ní pǎndé mĕsū ámbíd wĕe ane awĕ alómé me.

³⁴ Ámbíd enĕ, nyéĕhĕd me, bon nyéenyínné, wĕe mébĕĕ-'ĕ nyéehĕnlé ape áhed.”

³⁵ Nĕ dĕmbĕl benkamlĕne bĕsedté nhǎg ne aníní bánken, “Héé anĕn mod múmǎ áhedéé ake, wĕe syánĕ déehĕnlé mǎ anyín? Ahede ake á alon á Grikia wĕe ábĕd bad bédíí á ebwǎg áyǎged bad bé Grikia-yĕ?

³⁶ Ahóbé' áá dĕéhĕd mǎ bon déenyínné mǎ. Áá déehĕnlé-'ĕ ape wĕe mǎbĕĕ. Cheé nĕ álúmtĕé?”

E' dĭb bé mendĭb mé alongé áde déemaá'

³⁷ Epun é asǎg é ngande éche éntǎmtĕn etógnĕn abé áyāle ene ngande émpĕ. Yesue antyéém ámĭn, dǎo áchǎgté ehǎb ámĭn, áhǎbĕ áá, “kĕnzéé awĕ píd ékóbé áhyag áwĕm áhyĕ ámwĕ mendĭb.

38 Kénzée awě adúbpé me, Kálag e Dyõb ehóbe aá, ‘e’dib bé mendib mé alongé bēbidē mó áte é’sobpe.’ ”

39 Edáádəŋ éche Esáá chóo Yesue áhóbé’áá. Chóo bad ábe béndübē mó béntəŋgēnnē akud. Ene pónde né Edáádəŋ éche Esáá éēpēdēē wée ábê bad áyāle ene pónde ne Dyõb déelūmtēē ehúmé éche Yesue.

Bad békabné áte á atón áde Yesue

40 Donje á bad áfíntē ene ndun e mod ábe bēnwōg née Yesue áhóbéé nímén mekan bēnhōb bán, “Ne mbále, anén mod adii nkal é’dáádəŋ awě äpě.”

41 Bad bémpēe bēhóbé’áá bán, “Môdé Ane-awě-Béwōgté awě äpě.” Ké nê, bémpēe bēhóbé’áá bán, “Ane-awě-Béwōgté eéhēlēē-se abíd á Galilia.

42 Eténlédé á Kálag e Dyõb nén bán, Ane-awě-Béwōgté äbid á túmbé e Dabid á dyad á Betelhem wée Dabide ámbídtē.”

43 Né-óó, bad bēnkabén áte á atón áde Yesue.

44 Donje á bad bēhédé’áá mó akób boŋ modmod enkēmbánné mó ké ekáá á yāl.

Baámháá bé Israel béekwentenéé Yesue adúbe

45 Káəŋne ásōg bembəlede bé Ndáb-e-Dyõb bēntim wée beprise bēmbáá ne Befarisia. Héé beprise bēmbáá ne Befarisia bésēdtēé bó bánken, “Cheé ékáá boŋ nyéepēene mó hén?”

46 Héé ábê bembəlede bēhóbéé bán, “Modmod eéhóbéé ndín é mam éche anén mod áhóbéé.”

47 Dóo Befarisia bésēdtēé bó bánken, “Nédē ane mod adogé káəŋne nyémpē-ye?”

48 Nyékényin née mod ambáá ké’e Farisia nhóg adúbpé mô? Ké nhóg eedúbpéé mó.

49 Enén ndun e mod eebíi' é mbéndé e Mose. Né-
 ɔ́ ebómán édé ne bó.”

50 Farisia nhóg awě béchágé' áá bán Nikodemuse
 awě ansébé Yesue akε dé anyín, anláá bó aá,

51 “Eche syánē mbéndé eébagéé kunze nén
 dékógsen mod áde déekáadtéé mó, áwóglen dyam
 áde ábélé.”

52 Ade áhóbé nê, bēntimtén mó bánken, “We
 ámpē ebídé á Galilia-yε? Hěd áte á Kálag e Dyōb,
 wěnyín nén wě nkal é'dáádəŋ eebídéé á Galilia.”

Mmwaád awě akábé asón

53 Ambíd enê moosyáál ansú áwe ndáb.

8

1 Yesue pen ankě á Ekone é Menzab.

2 Néε bīn é'sánge mbwεmbwε, antīm ámbíd á
 Ndáb-e-Dyōb. Ndun e mod empě áwē. Andyéé ásē
 ábootéd bó ayáged.

3 Bemeléede bé mbéndé ne Befarisia bēmpεén
 mmwaád nhóg áwē, awě békóbé néε ákábéé asón á
 ndáb e e'wóngé. Béntīi ane mmwaád átintē echáb,

4 boŋ bélāŋgē Yesue bán, “A-meléed, békóbé
 anén mmwaád néε ákábéé asón á ndáb e e'wóngé.

5 A mbéndé eche syánē, Moseε anhób aá, enén
 ndín e mmwaád bélúm chó meláá káəŋ áwē, chán-
 nō wε-'ε éhóbé?”

6 Bēnsɛdéd mó nê áhíi mó melám, ábel nén
 békóben mó awusé. Boŋ Yesue anwúlén ásē,
 ábootéd bwēm atel á ndəəb-tê ne ábē e'mii.

7 Ade bébádnéné mó asɛded, antíi yál ámīn, aláá
 bó aá, “Nyé ké ahée awě eébélé mbéb ábê mod a'só
 álúm mó meláá.”

8 Anwúlén mó ásē ámpē átelé' ábē bwēm á
 ndəəb-tê.

9 Ade ábê bad béwógé nê bêmbootéd ahide nhógē-nhógē. Bad bémbáá bóó bénsēbē akε, boη básad béhíde'. Káōη ne á asóg Yesuε mwēmpεn anlyǽg, ane mmwaád-tε abé atyéém áhed.

10 Ade Yesuε átíídé yǽl ámín, dóó ásεdtéé ane mmwaád aá, “A-mmwaád nén, héé bad ábe bépééné wε hén bédíí? Modmod eélyǽgεé hén awě ahóbé aá béwúu wε-yε?”

11 Ane mmwaád ankwεntén aá, “A Sáj mod-mod.” Héε Yesuε álǽηgεé mó aá, “Né mǽmpē méehóbpé mεé béwúu wε. Kǽg wε, boη weébēlē mbéb ámpē.”*

Yesuε mǽdé e'nyínεn bé ekíde bé nkōηsé

12 Yesuε anláá ábê bad ámpē aá, “Mεé ndé e'nyínεn bé ekíde é' bad bé nkōηsé. Kénzéeé awě ahíde mε, éekaá á ehíntén-tê, boη ákǽd e'nyínεn bé ekíde ábe é'bage' alongé.”

13 Dóó Befarisia bélǽηgεé mó bán, “Ebíde echon yǽl mbóη, né-óó mbóη echōη eékobnedεé.”

14 Yesuε ankwεntén aá, “Kénée mměn mbídeé echem yǽl mbóη, echem mbóη edé mbále, áyāle mbíí wée mbíde, mbíí-ε wée nkagké, boη nyé, nyéebíí'ε wée mbíde, nyéebíí-'áa wée nkagké.

15 Nyékáadte bad á nyaa e moonyon. Meekáádtée modmod.

16 Ké menkáád-tε ké káádtén, echēm mbakú edé mbále, áyāle meekáádtée ne mměn, boη nkáadte, ne ane awě alómé mε.

17 Néε béhúde ké nê áte, á mbéndé echên, éténlédé nén bán nzé bad bébε bébíde dyam

* **8:11** Ekud e kálag é'só éewóó'é échén eped (7.53-8.11).

mbón, bon béhóbé melemlem mé dyam, né ene mbón edé mbón e mbále.

18 Nyébii-óó nén bán nwóó mbón ébe, mmèn ne mod awě alómé me, awě adé echem Sáj.”

19 Héé dóó Befarisia bésedteé mó bán, “Héé sóó adíí?” Ankwentén bó aá, “Nyéebíí’ é me, nyéebíí-’áa ké echem Sáj. Nzé nyèmbíí me, né nyébíí káàne echem Sáj.”

20 Yesue anhób ábén e’yale áde áyágtéé á Ndáb-e-Dyòb-te, benben ne wéé békongéé məné. Bon modmod enkênkóbpe mó, áyále eche póndé eché békóbéé mó enkèmpaá.

21 Yesue anláá ábê bad ámpē aá, “Měkě, nzé mmaá-’e ake, nyéēhěd me, bon nyéenyínné, né-óó nyéēwē áwen mbéb-te. Wéé mébēē, nyéehenlé ape áhed.”

22 Héé bad bémbáá bé Israel bésedteé bán, “Ahóbe’ aá, wéé mókéé aá syánē déehenlé ape áhed, múmó ahede yǎl awúu-yé?”

23 Anláá bó aá, “Nyédíí bad ábe bébídé ásē wén, bon me pen, mbídé ámín. Nyébídé á nkòṣé wén, me pen, meebídéé á nkòṣé wén.”

24 Nê dóó ákáká bon nílāngē nyé méé, “Nyéēwē áwen mbéb-te. Nzé nyéedúbpe bán, ‘Ndíí Mod Awě Ndíí,’ né nyéēwē-’e áwen mbéb-te.”

25 Héé bésedteé mó bánken, “Nzé-módé édíí?” Dóó ákwentanné bó aá, “Nyaa e mod eché nílāngé nyé se á mbooted méé ndé chóó ndíí.

26 Nwóó mam híin ahób tēngene nyé, ne ákáad nyé. Bon mod awě alómé me adíí mod a mbále, mekan nímě nílānge-’áa nyé hén á nkòṣé médíí mekan nímě nówógé áwē.”

27 Ade Yesue áhóbé nê, bénkênsónṭénné bán Sáá awě adé ámīn móó áhóbéé.

28 Héε Yesue álânḡéé bó aá, “Póndé echě nyémadté Mwǎn-a-Moonyon abane ámīn, dóó nyéǐǐ’ é bán, ‘Ndé mod awě ríhóbé meé ndé.’ Nyéǐǐ-’ε bán, meébēlēē dyamdyam ne kunze echēm, bon dyam áde ríhóbéé ádíi dyam áde echem Sǎṅ áyágté me.

29 Ane awě alómé me, adé-’ε ne me, eétedtéé mmēmpen, áyāle mbēle’ mekan nímé mébóṅnédé mó.”

30 Bad híin ábe bēnwōḡ néε Yesue áhóbéé nímén mekan, béndūbē mó.

Nzéé adé sáá awě bad bé Israel?

31 Héε Yesue álânḡéé bad bé Israel ábe béndūbē mó aá, “Nzé nyédíi nyéhíde’ ádēm ayáge, né nyékōṅté ábēm bembapεε abé.

32 Né nyéǐǐ mbále, né ene mbále éhūd-te nyé á mehaṅ-tê.”

33 Bēnkwenṭén bán, “Sédíi nchyaátén míme Abrahamε. Séébédéé-’áa ntāṅ a mod mbéd. Chán-nō éhele éhōbē wεé séebáá á mehaṅ-tê?”

34 Yesue ankwentén bó aá, “Ne mbále, nlânḡe nyé meé, kénzéé awě abele mbéb adíi ntāṅ a mbéb.

35 Ntāṅ eebáḡké á túmbé-te abé ne abé, bon mwǎn a túmbé, adíi mwǎn a túmbé póndé ésyāāl.

36 Né-ǎó, nzé Mwǎn ahúde nyé á mehaṅ-tê, né dyamdyam déetedté nyé ntāṅ ámpē.

37 Mbíi meé nyédíi nchyaátén míme Abrahamε, bon ké nê, nyéhede me awúu, áyāle nyééhēdēē ádēm ayáge ahíd.

38 Nlânge nyé mekan míme echem Sánj álúmté me. Nyé-ε nyêbele mekan míme echen sánj álánjé nyé.”

39 Bênkwentén mós bán, “Abrahamε adii eched sánj.” Yesue anláá bós aá, “Nzé nyênkõj bán ábe Abrahamε abé, né nyêbele’ mekan míme Abrahamε ábélé’áá.

40 Mekan mésyāal míme nkémbeñlé ndii áláa nyé mbále echē řwógé wéε Dyõb. Kénê, nyêhede me awúu. Abrahamε eébele’áá, enén ndín e dyam.

41 Nyêbele mekan míme echen sánj ábeleé.” Bênkwentén mós bán, “Dyõb ðempen-εé séwóó néε eched Sánj, béechyáa-’áa sé á asón.”

42 Dóo Yesue álánjéé bós aá, “Nzé Dyõb ðenkõj echen Sánj abé, né nyêðáá me, áyāle mbíðé wéε Dyõb ndé-’ε hén bõõb. Meépedéé ne mmên, bonj mós alómé me.

43 Nzõm echē ekáá bonj nyéēhēðē’ me ehób awóg, edii nyéēhēðēē ábêm e’yale awóg.

44 Nyêðíi bán ábe echen sánj, Satanε, míme mewêmten mós-’aá nyéðáá ahíd. Se á mbooted, adii ane awē awúε’ bad, eékwógnéðéé mbále mbêð, áyāle mbále eésaá mós áte. Nzé akale metóm, né abele míme nsón áyāle adii nkal a metóm, abé-’ε sáá a metóm.

45 Nyéedúbpéé me, áyāle nkanle nyé mbále.

46 Nyé ahéé ahele alúméd aá, mbélé mbéb? Nzé nkanle nyé mbále, cheé-õ ékáá bonj nyéedúbpé me?

47 Kénzéé awē ahúú ne Dyõb, awóge eyale é Dyõb. Nzõm echē ekáá bonj nyéewóglán edii, nyéesaá bán bé Dyõb.”

Bad bé Israel béekobéé ayáge áde Yesue

48 Hée ábê bad bé Israel bétimtanné Yesue bánken, “Eesaá mbále bán, sênkál mbále áde séhóbé bán, edii mod a Samaria, edǎǎdǎŋ é mbéb édé-’ε we áte-ye?”

49 Ankwentén bó aá, “Edǎǎdǎŋ é mbéb eesaá me áte. Mbage echem Sǎŋ edúbé, boŋ nyépen nyéebāgēē me edúbé.

50 Mmèn meéhēdtēē yǎl edúbé, boŋ mod adé awě ahede’ aá nkud edúbé, mó-’aá, abage mbakú echě etǎŋéné.

51 Ne mbále, nlǎnge nyé meé, kénzée awě abele’ chǒm-ée ní’yǎgtéé, éewáá mbéd.”

52 Dóǎ ábê bad bélǎngeé mó bán, “Bǎǎb dóǎ sébíí bán, edǎǎdǎŋ é mbéb édé we áte. Abrahamε anwé, bekal bé’dǎǎdǎŋ bómpē bénwē. Boŋ bǎǎb éhǒbē weé mod awě adúbpé we, éewáá mbéd.

53 Echēd sǎŋ Abrahamε anwé. Ewémtné weé mǎtǒmē mó-ye? Bekal-bé-e’dǎǎdǎŋ bómpē bénwē. Nzé-módé wewe éwēmtanné weé módé?”

54 Hée Yesue ákwentanné bó aá, “Nzé nhedte echem yǎl edúbé, né échē edúbé éesaá dyamdyam. Echem Sǎŋ awě nyéhóbéé bán mó adé nyé sáá, mó abage me edúbé.

55 Nyéebíí’ é mó mbéd, boŋ mbíí mó. Nzé nhóbé meé meebíí’ é mó, né ndé nkal a metóm née nyé. Boŋ mbíí mó, mbele-’ε mam níme áhóbéé.

56 Echen sǎŋ Abrahamε ambé menyinge aá, mǎǎnyīn epun éche mépéé, annyīn-ne chó, abé-’ε menyinge bwāmbwam.”

57 Dóǎ bésēdtéé mó bán, “Ade wéēpēdēē móom mé mwé métáan, weé mǎnyīnē Abrahamε-ye?”

58 Yesue ankwentén bó aá, “Ne mbále, nlǎnge nyé nén meé, byánán béchyāā Abrahamε, ‘Ndé.’ ”

⁵⁹ Ade ábê bad béwógé nê, dóo bébóótédé meláá ahed, álúm mó. Boŋ Yesue ansóóm, abíd-te á Ndáb-e-Dyöb.

9

Yesue achõjté mod awě béchyááné ndím

¹ Ade Yesue átóméé, dóo anyíné mod awě béchyááné ndím.

² Dóo ábē bembapεε básedtéé mó bán, “A-meléed, mbéb míme nzéé nkáá boŋ béchyáá anén mod ne ndím? Mbéb míme mwën-ε, káa míme sáá bó nyan?”

³ Yesue ankwentén bó aá, “Saké míme mbéb nkáá, saá-kaá míme sáá bó nyan. Boŋ nén ábénlédé ábel ngíne e Dyöb ébid áwed áwē yál.

⁴ Ngáne bin é’dii ényínneé ámín, detáŋgéné débél nsón míme ane awě álómé me. Ehíntén ékwógé ape áde mod éehenlé nsón abel.

⁵ Bóob áde ndíí á nkõŋsé, me-εé ndé e’nyínen bé ekíde bé nkõŋsé.”

⁶ Ade Yesue amáá ahób nê, ansob aléed á ndóob, atób dó boŋ áwõgtē ane mod a ndím á mǐd,

⁷ álāngē mó aá, “Kǎg, éwobe e’só á etoŋ é Silom” (ádē dīn ádé nén bán, “Bélómé”). Né-óó, ane mod ankě, áwōbē-’ε mǐd. Antīm ámbíd, anyínne’.

⁸ Héε bad ábe bémbī mó ne bad ábe bényínáá ngáne áchóméé bwēm, básedtéé bán, “Saá anén mod ayõgké adyεε ásē, áchōmē bwēm-ε?”

⁹ Doŋge dénhōb bán, “Môdé,” ábíníí-’ε bán, “Aáy! Awágne mó wágnén.” Boŋ ane mod mwën anhób aá, “Mmën-εé ndé.”

¹⁰ Dóo básedtéé mó bán, “Chán-nō émwédé abooted dé anyínen?”

11 Ankwentén bó aá, “Mod awě béchəgέé bán, Yesue, antób eləəb, awógéd me chó á mǐd, aláá-’ε me aá ríke á etonj é Silom, ríke ríwobe mǐd. Né-əó, menkě. Awobe áde ríwóbpé mǐd, míbootéd-te anyínen.”

12 Bênsədéd mó bán, “Héé ane mod adíí?” Ankwentén bó aá, “Meebí’ε.”

*Befarisia béhéde áte ngáne
Yesue áchəjté mod a ndím*

13 Bênkεén ane mod awě ankwě ndím wée Befarisia.

14 Epun éche Yesue ántəbpē eləəb ánēdē-’ε ane mod mǐd áte, ébédée Mbwe-mé-nkóme-áte.

15 Befarisia bēnsədéd ane mod awě ankwě ndím ámpē bánken, “Chán émwédé abootéd dé anyínen.” Héε áləŋgέé bó aá, “Antób eləəb awógéd me á mǐd. Ade ríwóbpé e’só, míbootéd-te anyínen.”

16 Hē dóo donje á Befarisia béhóbεé nén bán, “Anén mod awě abelé ádén dyam, eéhēlēē-se abé mod awě Dyəb álómé, áyāle eékoŋgέé mbéndé e Mbwe-mé-nkóme-áte.” Bonj ábíníí-’ε béhóbé’áá bánken, “Chán mod a mbéb áhελεεε ábelé’ échén ndín e menyáké?” Nén dēmpεén nkabén áfínté echáb.

17 Né-əó, Befarisia bēnsədéd ane mod ámpē bánken, “Ngáne éhóbé wεé mōbelé bonj ényínne’, cheé éwóó ahób á yəl eché?” Héε ane mod ákwentanné bó aá, “Adíi nkal é’dəədəŋ.”

18 Ké nē, bad bé Israel bēnkéndúbée bán, ane mod ansébé ndím akwε. Nē dēmbəl bēnchēlē sáá bó nyanj.

19 Bênsɛdéd bó bánken, “Nyéē nyêchyaá anén mod awě nyéhóbé bán, béchyaá ne ndím-ε? Chán-nō ébénlédé bon anyinnē bɔɔb?”

20 Dóo sáá bó nyan békwentanné bán, “Sêbíí bán awɛd mwän mîdé, sêbíí-’ε bán bénchyaā mó ne ndím.

21 Bon séékoo’é abíi ngáne ámwédé anyínen, séebíi-’áa mod awě abelé bon anyinne’. Nyésɛdte mó, eésáá mwëndem, mwën áhîb.”

22 Bénhōb nê áyāle bébáá’áa bad bé Israel. Bad bé Israel bénhōb bán, kénzée awě adúbpé áa Yesue mîdé Ane-awě-Béwógté, bėnan mó á ndáb e mekáne.

23 Nê dóo dênkəŋ bon sáá bó nyan béhób bán, “Nyésɛdte mó, eésáá mwëndem, mwën áhîb.”

24 Héε ábê bad bé Israel béchênléé ane mod awě Yesue ándíté bwám ngen échě élonténé ébe, bon bélāngē mó bán, “Kāl echon mbále á dīn á Dyōb. Sêbíí bán anén mod awě achōŋté wε adíi mod a mbéb.”

25 Dóo ane mod átímtanné bó áa, “Meebíi’é mε ké adé mod a mbéb ké’ε eésáá. Dyam ahóg áde míbí, ádé nén, menkwě ndím bon bɔɔb nnyinne’.”

26 Héε bésɛdteé mó bánken, “Cheé ámbenlé bon ébootéd anyínen?”

27 Ankwentén bó áa, “Mmaá nyé aláa bon kénê, nyéedúbpéé mε. Cheé nyéhɛdɛé bán rílaa nyé ámpɛ? Nyémpɛ nyéhɛde’ ábē bembapɛɛ abé-yɛ?”

28 Héε bésyáə’é mó, béhōbē bán, “Wε-éé edé mbapɛɛ awě ane mod. Sédíi bembapɛɛ ábe Moseε.

29 Sêbíí bán, Dyōb dénhōb wée Moseε, bon séebíi’é wée anén mod pen ábíde.”

30 Ane mod ankwentén áa, “Nén adé nkômten

ń yǎl áte. Nyéebíi'é wée ábídé, boŋ kénê abelé nnyínne'.

³¹ Debíi bán, Dyõb déekwɛntánné mekáne mé bad bé mbéɓ, boŋ akwɛntan mekáne níme bad ábe bébage mó edúbé, bébelé-’ε mam níme áhɛdɛé.

³² Taase nkõŋsé níbootad mod eéwõgɛɛ mbêd, bán mod abelé mod awě béchyaáne ndím anyínne'.

³³ Nzé anén mod awě achõŋté me enkêmbé mod a Dyõb, né eéhele'aá-se ábel enén ndín e dyanm.”

³⁴ Dóo ábê bad békwɛntanné mó bán, “Béchyáá wε á mbéɓ-te, ékwõg-ke á mbéɓ-te, boŋ bõõb éhɛdé sé ayǎged-ε?” Héε dóo bébídté mó á ndáb e mekáne.

Ndím e edáðdɔŋ

³⁵ Ade Yesue áwógé bán bébídté ane mod awě ángoódté á ndáb e mekáne, anhɛd mó. Ade ányíné mó, ansɛdéd mó aáken, “Edúbpé Mwǎn-a-Moonyõŋ-ε?”

³⁶ Ane mod antimtén mó aá, “A-Sáŋ nzéé adé Mwǎn-a-Moonyõŋ, láá mé ábel nén ndúbe mó?”

³⁷ Yesue anláá mó aá, “Emaá mó anyín, nyúmõ-’aá nyékale’ nén.”

³⁸ Héε ane mod áhóbéé aá, “A-sáŋ, ndúbpé!” Abwóg-ke mebólõŋ ábe mó edúbé.

³⁹ Yesue anhób aá, “Mpedé á nkõŋsé wén, ákáad bad ábel nén bad ábe békwédé ndím bénýínɛn, ábe bõ-’ε bénýínne’, békwε ndím.”

⁴⁰ Ade donje á Befarisia ábe bõõbe Yesue bémbē áhed béwógé nê, bẽnsɛdéd mó bánken, “Sêdúbpé bán, weehóbéé wée sémpē sêkwedé ndím?”

41 Yesue anláá bó aá, “Nzé nyênkwe ndím, né mbéb méesaá nyé á yǎl. Bon bɔɔb áde nyéhóbéé bán nyényínne’, mbéb rídíí rídé nyé á yǎl.”

10

Ngan e Nnon a rídyɔŋ ní mbód ne éche mbód

¹ Yesue anhób aá, “Ne mbále, nlânge nyé meé, kénzée awě eepoo á mmwe mé abem á mbód, bon átim achágé pɛd empée, adii nchíb, abé-’e mod e ewúen.

² Mod awě apoo’ á mmwe mé abem mǎde Nnon a rídyɔŋ ní mbód.

³ Mod awě anone abem adibnad mó ekob. Achage mbód téé ne dín, ábídne-’e chó.

⁴ Abídné-’aá chó, atómén chó, chó-’e éhídē mó, áyāle ébíí éche ehób.

⁵ Bon échē mbód éehídée nken mbéd. Ebelé’ ébāā’ mó á yǎl báán, áyāle éechemée éche ehób.”

⁶ Yesue ankalé bó enén ngan bon bénkənsóŋtənné.

Yesue ad mó móde Nnon a rídyɔŋ ní mbód a bwām

⁷ Né-ɔɔ, Yesue ambád ámpē aá, “Ne mbále, nlânge nyé nén me-’e, méé ndé mmwe mé ekob wée mbód eepoo’é.

⁸ Byánán mǎpě, bad bésyāāl ábe bésébpé ape bébédée bechíb ne bad bé ewúen, bon mbód éekənwógənné bó.

⁹ Me-’e ndé ekob. Kénzée awě apoo’ áwēm, ákūd e’sóoson. Asāl, abíd-te ésebán mod atagte mó. Akud-te kéchéé éche áhedeé.

10 Nchíb apag dásō áchíb, áwúu ne ábébed. Mpedé ábel bon békud alongé áde álóné mbon.

11 Με-εέ ndé nn̄n-a-mbód a bwám. Nn̄n-a-mbód a bwám adé mbon̄sén áwé á nló míme éche mbód.

12 Mod awě bétédē á nsón tédén, ân̄n mbód, áde mwēn éesaá nn̄n-a-mbód, áde éesaá-'aá nwóó-mbód, ányínéé nyínén néε ngə ehúé'é, áchēnē mbód, atóm mehélé. Ene pón dé dō ngə ésogéé mbód, échíníí-'ε épántéd áte.

13 Ane mod atóme mehélé áyāle adii mod awě bétédē á nsón tédén, eewōn̄néé échē mbód pón dé.

14 Μέε ndé nn̄n-a-mbód a bwám. Mbíí échē m mbód, échē m mbód-te ébíí με.

15 Melemlem nē dō Titée ábíí με, με-'ε mbíí mó. Mbō̄nséné-'ε áwé á nló míme échē m mbód.

16 Nwóó-'ε mbód émpēé éche éesē á abem-tē wén, ntán̄génē chōmpē apεen, chōmpē éwōg échē m ehób, né-ó, abem débē ahóg, nn̄n-a-mbód-te nhóg.

17 Titée adáá με, áyāle mbō̄nséné áwé ábel nkud ádēm alongé ámbíd ámpē.

18 Modmod eékobnéé με ádēm alongé, bon mbage dō ne mmēn. Nwóó ngíne ábe ádēm alongé, nwóó-'ε ngíne átéd dō ámpē. Nén dō Titée álángé με áá mbel.”

19 Abén e'yale ábe Yesue bēmpεén nkabén áfintē e bad bé Israel ámpē.

20 Bó bad hiin béhóbé'áá nén bán, “Edáádə̄n é mbéb édé mó áte, apedé m̄n. Chán nyéhele nyéwōglān mó?”

21 Bon bēmpēé béhóbé'áá bán, “Mod awě edáádə̄n é mbéb edíí áte eehóbéé échén ndín e mekan. Edáádə̄n é mbéb éhele ébēl mod awě

akwedé ndím anyínεn-ε?”

Bad bé Israel bébáá Yesue á yāl

²² Ngande e Nnamed ní Ndáb-e-Dyöb ékóbté'áá á Jerusalem. Nén ábédé á pondé éche ahéb ábágkē bwâmbwam.

²³ Yesue ahyómmé'áá á abepé á Ndáb-e-Dyöb áde béchágé'áá bán Abepé áde Solomonε.

²⁴ Bad bé Israel bēnləŋnéd mó, bésεdté mó bán, “Póndé ehée wεwε wésōgkē sé abane á edibelónéé-te? Nzé wε-εé edé Ane-awě-Béwógté, épanléd sé áte.”

²⁵ Yesue ankwentén aá, “Mmaá nyé aláa, bon nyéedúbpεé. Nsón níme mbelεé á dñn áde awēm Titéε, mēn mbíde με mbóŋ.

²⁶ Bon nyéedúbpεé áyāle nyéesaá échēm mbód.

²⁷ Echem mbód éwóge échēm ehób. Mbíí chό, chό-'aá éhíde με. ²⁸ Mbage bó alongé áde déemaá', béewáá-'aá mbéd. Modmod eéhēlēε-sε áskog bó áwēm mekáá.

²⁹ Chōm echě awēm Titéε ábágé με étómé chōm ésyāāl, * modmod eéhēlēε-sε áskog bó á mekáá níme Titéε.

³⁰ Sé Titê sēdīi mod nhóg.”

³¹ Bad bé Israel bēntēd meláá ámpē álúm Yesue.

³² Bon anláá bó aá, “Nlúmté nyé ekud é nsón ní bwám éche ébídé ne echem Sán. Nyéhede me meláá alúm, áwúu με. Mmē nsón níhéé nyéhedeé με meláá alúmen.”

* **10:29** Chōm echě awēm Titéε ábágé με étómé chōm ésyāāl: donge á kálag dé'só áwóó Titéε awě abagé με bó, atómé chōm ésyāāl.

33 Dóo békwentanné bán, “Séēhēdēē we meláá alúm áyāle nsón ní bwâm míme ébélé. Boŋ sêlúme we meláá áyāle esyáá Dyöb.”

34 Yesue anláá bó aá, “Ngómē éténlédé áwen Kálag e Mbéndé nén bán, Dyöb áhóbé aá, ‘Nyēdii myöb.’

35 Debíí nén bán, eyale é Dyöb éekwagké. Dyöb dēnchǎg bad ábe ánlōmēnnē échē eyale aá bédii myöb.

36 Mē-εέ Dyöb ánámte boŋ alóm-me á nkōŋsé, chán-nō nyéhele nyéhōbē bán, nsyáá Dyöb áyāle rítúmé ahób mēé ndii Mwǎn a Dyöb?

37 Nzé meébēlē nsón míme Titée, nyéedúbpe mē.

38 Boŋ nzé édé nén bán mbele mó, nyédúbé míme nsón ké nyéedúbpe mmēn, ábel nén nyébii nyésōŋten-ne ngen póg ne ésyāāl nén bán, Titée adé mē áte, mē-’ε mbé mó áte ngen póg ne ngen ésyāāl.”

39 Mmēn mam míme ánhōbpē mēmbēl bēnwanén mó akób ámpē, boŋ ambíd bó á mekáá.

40 Ambíd enê, Yesue antīm ámbíd á pēd e edíb é Jodan eníní, á abwóg á hōm wée Jone, Ndusene ádúsánnáá bad, ádyēē áhed.

41 Ndun e mod epagé’áá áwē. Abē bad béhóbé’áá bán, “Jone, Ndusene eébele’aá menyáké boŋ kéchéé éche áhóbé tǎŋgene anén mod édé mbále.”

42 Né-ǎó, ndun e mod echē embé áhed, endúbé Yesue.

11

Kwééd eche Lazarose

1 Mod nhóg ambé awē béchágé’áá bán Lazarose, akōnlé’áá. Lazarose ne baányan bé bebaád, Maria ne Mataa bédyéé’áá á dyad á Betani.

² Anén Maria awě mwānyan Lazarose akónl'éáá, mō anwógéd Yesue dyōg dé elod é bwām á mekuu, boŋ apínnéd échē esid.

³ Né-óó, Maria bó Mataa bó bénlōm nsəl wéε Yesue bán, “A-Sán, awonŋ nsón a nlém akonle’.”

⁴ Ade Yesue áwógé nímén nlébtéd anhób áá, “Mmén nkole méésógké ne kwééd. Nén ábénlédé áβε Dyōb ehúmé, áβel boŋ Mwān a Dyōb ákud edúbé.”

⁵ Yesue andəŋ Mataa, Maria ne Lazarose.

⁶ Ké nê, áde áwógé bán, Lazarose akonle andii ambé wéε ámbēē e’pun é’be.

⁷ Héε álāŋgέé ábē bembapεε áá, “Détim ámbíd á Judeya.”

⁸ Dóó áβε bembapεε bélāŋgέé mó bán “A-meléed, kíné saá áwed dóó bad béhéde’áá wε meláá awúen súútāŋ’ε?”

⁹ Yesue ankwentén bó áá, “Eesaá mbále bán mūte n̄wóó dyōm á háwa ne éβε-yε? Bad áβε békag mūte béekwagké áyāle bédé ne ane awě adé e’nyínen bé ekíde bé nkōŋsé.

¹⁰ Boŋ nzé békag nkuu, dóó békwagké áyāle e’nyínen bé ekíde béesaá.”

¹¹ Ade Yesue áamáá ahób nén ambád ámpē áá, “Awéd nsón Lazarose akúne, boŋ nkg mó anyem ásē.”

¹² Abē bembapεε bénlāā mó bán, “A-Sán, nzé akúne né ádyεé bwām.”

¹³ Yesue ahóbé’áá nén áyāle ambíí áá, Lazarose awédé, boŋ ábē bembapεε bēnwēmtēn bán, ahóbe áá, akúne kúnén.

¹⁴ Né-óó, Yesue ampanléd bó áte áá, “Lazarose awédé,

15 bon á yǎl echên, ndé menyinge nén meé meebédéé áhed ábel bon nyédúbe. Syánē dékag-kǎó áwed bǎǎb.”

16 Hê dóo Tǎmase (awě bēnchuu’é bán, Nhéd) álǎngéé baáb bembapεε aá, “Syánē ámpē dékag áwed ábel bon nzé kwééd chó edé déwê ne Meléede.”

Yesue mó adé mpuu ne alongé

17 Bǎǎb-pǎǎ, áde Yesue ápédé á Betani, antán née bémáá Lazarǎσε alíme. Ene pǎndé né nímê ndim níkébē á son-tê e’pun é’niin.

18 Bootya á Betani ápe á Jerusalem ábédé dyam máyl mébe.

19 Ekud é bad bé Israel ênhyě wée Mataa bó Maria áwenned bó áyǎle kwééd eche awab mwǎnyan.

20 Ade Mataa áwógé bán, Yesue ahúé’, ankě mó abomen á nzii, bon Maria anlyǎg á ndáb.

21 Dóo Mataa álǎngéé Yesue aá, “A-Sán, nzé wembé hén né mwǎnned eewédeé.

22 Bon ké nê, mbíi meé ké bǎǎb kéchéé éche ésédté Dyǎb, Dyǎb débě wε.”

23 Yesue anláá mó aá, “Mwǎnyon ábē á alongé ámpē.”

24 Mataa antimtén mó aá, “Mbíi meé ápuú á pǎndé e mpuu mbwε mé asóg.”

25 Dóo Yesue alǎngé mó aá, “Mε-εé ndé mpuu né alongé. Nzé mod adúbpé με, ké anwé, ábē abé á alongé.

26 Kénzée awě adé á alongé bon adúbé-’ε με, éewáá mbéd. Edúbpé né-yε?”

27 Hée Mataa ákwεntanné aá, “Eε, A-Sán, ndúbpé meé wε-εé edé Ane-awě-Béwógté, Mwǎn a Dyǎb awě Dyǎb áhóbé aá, ápē á nkǎnsé.”

Yesue achii

²⁸ Ade Mataa áhóbé nê, antĩm ámbĩd, ákē áchəg mwānyan Maria kun, aláá mó aá, “Meléede adé hén, asedte-’ε wε.”

²⁹ Ade Maria áwógé nê, anhidé ásē mehéle, áke atán Yesue.

³⁰ Bəb-pəó, Yesue enkēmpaá asól á dyad-tē, andii ambé wée Mataa ántānē mó.

³¹ Ade bad bé Israel ábe bébéde á ndáb-te ne Maria áwenned mó, bényíné née ábidé á ndáb-te ne mehéle, anyagte á son, bēnwēmtēn bán, akag achii. Né-óó, bēnhĩd mó.

³² Ade Maria ápedé wée Yesue ámbēē bon anyín mó, ankwě mó á mekuu, ahób aá, “A-Sán, nzé wembé hén, né mwānned eewédéé.”

³³ Anyín áde Yesue ányíné née Maria áchyee’é, anyín-ne née bad ábe bēnhĩd mó béchyee’é, ngol enkonned mó, átāg-ke áte á nlém-tē bwāmbwam.

³⁴ Ansedéd aáken, “Hée nyélimmé mó?” Bēnkwentēn bán, “A-Sán, hyě ényín.”

³⁵ Yesue anchií.

³⁶ Hée bad bé Israel béhóbeé bán, “Nédē ankōn mó adən-óó!”

³⁷ Bon bó donge á bad bēnhōb bán, “Ngómē amběl mod awě ankwε ndĩm ányinne. Eéhele’aá-se ábel Lazarəse eewág-ε?”

Yesue apuúdté Lazarəse

³⁸ Ngol enkonned Yesue á nlém ámpē. Né-óó, ankě á son. Ene son ebédée son echě bēpwóge aláá áte, bon békútēn chó nsəl ne aláá.

³⁹ Hée Yesue álāngéé ábē bad aá, “Nyéhũd áde aláá.” Dóo Mataa, mod awě awédé mwānyan áhóbeé aá, “A-Sán, ndim mémăd abooted dé

achum bɔɔb áyāle níkidémbé á son-tê bɔɔb e'pun é'niin."

⁴⁰ Dóo Yesue álângeé mó aá "Meelângeé we meé nzé edúbpé né wěnyín Ngum e Dyɔb-ε?"

⁴¹ Né-ɔɔ, ábê bad bėnhūd ádê aláá á nsəl ní son. Dóo Yesue ánóné ámín bon áhōbē aá, "A-Tê, nságnéné we áyāle éwógé me mekáne.

⁴² Mbíí meé eyǝgké me mekáne awóg, bon nhóbe nén ábel bon ábén bad ábe bédé hén bédúbe bán, we-εé elómé me."

⁴³ Ade amáá ahób nê dóo áchǝgté ehób ámín bon áchēnlē Lazarɔse aá, "A-Lazarɔs, bíd áwed!"

⁴⁴ Ane mod awě ammǝd awé abíd-te áwed. Mbóm éche bėnkaánné mó mekuu ne mekáá ne tumbe echě bėnkaánné mó e'só, émbē ébē mó á yǎl. Yesue anláá bó aá, "Nyéhune mó ábê bwēm á yǎl, ákag."

Béhǝgke Yesue

(Mat 26.1-5; Mak 14.1-2; Luk 22.1-2)

⁴⁵ Bad bé Israel ábe bėnkě Maria á mewenned bėnyín mekan níme Yesue ámbenlé, bėndūbē-ε Yesue.

⁴⁶ Bon bó donge á bad bėnkě Befarisia atán, bėláá bó mam níme Yesue ábélé.

⁴⁷ Héε beprise bėmbáá ne Befarisia bėchénlé mbom ní káánsel. Bėnhōb bán, "Cheé débēnlé bɔɔb? Detǝngéné dyam abel áyāle anén mod abele menyáké bwāmbwam!

⁴⁸ Nzé detědté bán, ákεεne nímén mekan á'sō né moosyǎál ádūbē mó. Nzé moosyǎál adúbpé-ε mó, né bad bé Roma bépě, bėkōbēn-ne syánē eched Ndáb-e-Dyɔb, bėkōbēn-ne syánē ádēd alon."

49 Dóo mod nhóg átíntê echâb awě béchágé'áá bán Kaifase, awě abédé prisε ambáámbáa mímê mwě, áhóbéé áá, “Nyéebíi'ê dyamdyam.

50 Nyéenyínéé nén bán ébóó bán, mod nhóg áwê á nló mí moosyáál tómaa alonj ásyāāl ábóó?”

51 Kénéε áhóbé'áá nê, saké mímē mewēmten mēn móo áhóbné'áá nê. Ngáne ábédé prisε ambáámbáa mímê mwě, ahóbé'áá dyam áde débēnléd, á'sō é' pónndé, áá Yesue áwē á nló mí bad bé Israel.

52 Saá-kaá á nló mí bad bé Israel bēnpēn, bonj káñne álad bad bé Dyōb bésyāāl ábe bémáá ahēnted áte hōm ahóg, ábel bēbê mod nhóg.

53 Bootya échê epun bad bémháá bé Israel bēmbootéd Yesue ahāge, áwúu mó.

54 Nén dēmbēl Yesue eebíde'áá á nhéné ámpē átíntê e bad bé Israel. Bóóbe ábē bembapεε bēnhidé békē á dyad áde béchāgeé bán Efrem, bédyēē-ε áwed. Adê dyad ábédé bēnbēn ne ehyánge.

55 Pónndé e ngande e Nnyíme-ámīn embé bēnbēn. Né-óó, bad híin bēmbíd myad ne myad, békē á akuu á Jerusalem áwobe échab yāl ngáne mbéndé e Mosεε éhédé'áá, ábonjēn ngande e Nnyíme-ámīn.

56 Ábē bad bé Israel bēmbē bēhéde Yesue. Ade bēládné á Ndáb-e-Dyōb bésédte'áá, nhóg ne aníní bánken, “Chán nyéwémténé, nyédúbpe bán, áhye ngande-yε?”

57 Bepriε bémháá ne Befarisia bēntōmēd ehāngé bán, kénzéé awě anyíné Yesue áhye áláa bó, ábel bonj békōb mó.

*Béwógté Yesue á Betani
(Mat 26.6-13; Mak 14.3-9)*

¹ Ade ngande e Nnyíme-ámín élyágé e'pun ntóób, Yesue ankě á Betani wée Lazarose awě âmpuúdté ádyéé'áá.

² Bêmbelé Yesue ndyééd áhed. Mataa mó antóméd ene ndyééd. Lazarose ambé nhóg áfínté e bad ábe bóobe Yesue bébédé á tébele ádyé ndyééd.

³ Héε Maria átédé epom é dyög dé elod á bwám áde álélé nkun bwâmbwam. Adé dyög bébénlé dó nád.* Anwógéd Yesue á mekuu, apíné-ε mó mekuu ne éché esid é nló. Elod é bwám énlōg ndáb áte esyāól.

⁴ Dóo Judas Iskariode, mbapεε nhóg awě émbēē bán mó āsōm Yesue áhóbεé áá,

⁵ “Cheé bēnkēnsómmé ádén dyög, bétéd nímén mōné békē bébē betóótōkē bé bad? Béhélé'áá-sε bésóm ádē dyög dyam-εε áde nsábe mí mwě nhóg.”

⁶ Judase anhób nē, saké áyāle abédé betóótōkē bé bad ngol, bon áyāle abédée nchíb. Ngáne ábédé mod awě awánládtáá bóbōo ekwe é mōné, ayōgké'áá mōné atéd ámbíd.

⁷ Bon Yesue anhób áá, “Tédé mó, ákoo áde ályágé ásē ábel bon ábenled dó mbwe níme bēlimēē me.

⁸ Betóótōkē bé bad bédé ne nyé pónké tée bon me pen méebáá ne nyé pónké ésyāól.”

Béhagke Lazarose

⁹ Ene pónké-ōó, bad bé Israel hiin bēnwōg bán, Yesue adé á Betani. Né-ōó, bēnkě áwed. Saké Yesue

* **12:3 Nád:** Nád edii mbonja echě ewóó elod é bwám eche bébenlé mōg mé elod é bwám.

mwẽmpɛn mɔ ankãŋ boŋ békē áwed, boŋ bẽnkě Lazarɔse anyín awě Yesue âmpuúdté.

¹⁰ Né-ɔ́, Beprise bémbáá béhágké'áá káŋne Lazarɔse áwúu mɔ,

¹¹ áyãle bad bé Israel bétédte'áá bó, bédũbpẽ Yesue. Béndũbẽ Yesue áyãle dyam áde dêmbenléd ne Lazarɔse.

Yesue asólé á Jerusalem née kãŋ

(Mat 21.1-11; Mak 11.1-11; Luk 19.28-40)

¹² Née bĩn é'sánjé, ndun e mod echě enhyě á Ngande e Nnyĩme-ámĩn bẽnwɔg bán Yesue apag á Jerusalem.

¹³ Hê dɔɔ bésélé e'kikag é' míí boŋ békãg mɔ abomɛn á nzii. Béhágé'áá e'saad bán, "Hosána! Nnam míbê ne ane awě apedé á dĩn áde Sãŋgwéé. Nnam míbê ne kãŋ e bad bé Israel!"

¹⁴ Yesue ankũd etum é ésel, ádĩl'-e chɔ. Nén dêmbenléd ngáne éténlédé á kálag e Dyɔb nén bán,

¹⁵ "A-bad bé Zayɔn, nyéebáá', nyénɔne' echen kãŋ ehúe', ediidé'-e etum é ésel."

¹⁶ Á pɔndé echě mímén mekan mébénlédé, be- mbapɛɛ ábe Yesue bẽnkẽnsóŋténne. Boŋ áde Yesue âmpuú'é ne ehúmé é Dyɔb, dɔɔ bẽnchemmé bán mam rĩme mébénlédé tãŋgene Yesue mɔɔ mẽntenléd, á yãl eché.

¹⁷ Ndun e mod echě embé ne Yesue áde áchénlé Lazarɔse á soŋ-tê boŋ ápuudte mɔ, embé ékalé' mímê nkalan.

¹⁸ Né-ɔ́ ndun e mod enkě Yesue abomɛn áyãle ábén e'chemléd bé menyáké ábe âmbenlé.

19 Hée Befarisia bélângeé nhóg ne aníní bán, “Nyénone! Káñne boob deéhéléé dyamdyam abel. Nkõñsé rísyā̀l ríhide mó.”

Bad bé Grikia béhede Yesue

20 Donje á bad bé Grikia bémbē áfintê e bad ábe bēnkě ngande e Nnyíme-ámín á Jerusalem, áke dé abe Dyõb edúbé.

21 Bēmpě wée Filibe. Filibe awě ambíd á dyad á Betsaida á mbwóg e Galilia. Bēnlā́ mó bán, “A-Sán, sēdā́ Yesue anyín.”

22 Filibe ankě Andreyā́ aláa. Dóo bó bad bébe békíí Yesue aláa.

23 Yesue ankwentén bó aá, “Póndé epedé echě ehúmé e Mwān-a-Moonyon énnýñēdtē.

24 Ne mbále, nlânge nyé nēn mēé, mbum e ngun póg edii mbum e ngun póg, káññ né bēwéné chō á ndoob-tē bon ewé. Ewāg-kā́a, bon echyā́a mbum é ngun émpēe éche ébúú áte.

25 Mod awě adā́ adē alongé, ābōd dó. Mod awě mó-’ε akó́ adē alongé, á nkõñsé-te wén, ākə́a dó á alongé áde déemaá’.

26 Kénzéé awě abenle me, atánjéné awēm mbaledé abé. Ké héé-’ε wée rídíí, awēm mbaledé atánjéné abé áhed. Echem Sán ābě-’ε kénzéé awě abenle me edúbé.

Yesue ahóbé tângene eche kwééd

27 “Boob-póó, nlém rítage me áte. Cheé-õ méhõbpē? Nhôb mēé, ‘A-Tê, weémwāg-se metake míme méhúé’ métán me-yε?’ Aáy, méehóbpé nê, áyā́le enén póndé e metake chō ekə́a bon rípag wén.

28 A-Tê, lúméd echôḡ ngum.” Hêe ehób ébidéé á Dyöb nén bán, “Nlúmté echêḡ ngum, mēlūmēd-te chó ámpē.”

29 Ene ndun e mod echê embé áhed enwóg échê ehób. Bénhōb bán dyöb dōó ákúmé áte. Bad bémpēe bénhōb bán, ángel chó ehóbé áwē.

30 Yesue anláá bó aá, “Áyāle echên dōó échén ehób ébidé, saké áyāl echêḡ.

31 Póndé epedé echê Dyöb dékáadtē nímén nkōḡsé. Nkamlēn níme nkamlēne á nkōḡsé mékwē bōob.

32 Boḡ áde bémadté me anyen ámīn, mēdōl bad bésyāāl áwēm.”

33 (Yesue anhób nê álúmed ndín e kwééd echê áwēē.)

34 Ndun e mod echê embé áhed enkwentén mó bán, “Sêwógé á mbéndé-te bán Ane-awē-Béwógté ābē á ngíndé ne á ngíndé. Chán-nō ehóbéé wēé ‘Bétāḡgné bényēn Mwān-a-Moonyoḡ ámīn.’ Nzéé adé anén ‘Mwān-a-Moonyoḡ?’ ”

35 Dōó Yesue álāḡgēé bó aá, “E’nyínen bé ekíde bēbē ne nyé á esōḡ e póndé ngên. Nyékag bōob áde e’nyínen bé ekíde é’díi é’díi, ābel boḡ ehíntén éékōbē nyé. Mod awē akag á ehíntén-tē eebyéé’ē wēé ákagké.

36 Nyédúbe e’nyínen bé ekíde bōob áde é’díi ne nyé, ābel nén nyébē bán bé e’nyínen bé ekíde.”

Bad bé Israel béedii béedúbéé Yesue

Áde Yesue amáá nímén mekan mésyāāl ahób, antedé bó, áke ásōōm wēé béenyínné mó.

37 Kénéé ene ndun e mod énniyínnē ábén e’chemléd bé menyáké é’syāāl ábe Yesue āmbenlé, bēnkēndúbéé mó.

38 Nén dēmbenléd âlóned e'yale ábe nkal é'daádəŋ Yesayaa ánhōbpē aá,
 “A-Sán, nzéé adúbpé eyale éche sékálé,
 nzé-módé akidényin ngum echōŋ áchēm-me chó?”

39 Né-ᵛó, béehelē'aá-se bédúbe. Yesayaa ahóbé hōm démpēe aá,

40 “Dyōb ákwidé bó ndím, ábē-'ε bó nlém mé aláá,
 ábel nén nímab mīd méēnyinnē',
 béēsōŋtanne.

Nzé bēbélé-'ε nê, né bétimén me, né mēchoód-te bó.”

41 Yesayaa anhób nén áyāle annyin ehúmé éche Yesue, anhób-pe áyāl eché.

42 Ké nê, bad híin béndūbē Yesue, káōŋne donje á bad bēmbáá. Boŋ ngáne bēbáá'áá Befarisia, bēnkēnlúmédte yǎl, ábán nén bán bēébídté bó á ndáb é mekáne.

43 Bēbélé'áá nê áyāle bēndǎŋ mekenag mé baányon tómaa mé Dyōb.

E'yale ábe Yesue békāād bad

44 Héε Yesue áchágté ehób ámin áhōbē aá,
 “Kénzée awē adúbpé me, eedúbpēé mmēmpen,
 adúbpé káōŋne ane awē alómé me.

45 Kénzée-'ε awē anyiné me, anyiné ane awē alómé me.

46 Mpedé á nkōŋsé née e'nyínen bé ekíde, ábel boŋ kénzée awē adúbpé me, eélyāgē á ehíntén-tē.

47 Kénzée awē awógé ábēm e'yale, boŋ eékonje bó, saké me nkáadte mó. Meekáádtée mó áyāle meépedeé ákaad nkōŋsé boŋ mpedé áson bad bé nkōŋsé.

48 Kénzée awē abáá me á yǎl boŋ eékobe-'ε ábēm e'yale, awóó mod awē ákāād mó. Ábēm e'yale bēn bōó békāād mó á mbwe mé asóg.

49 Ebê nê, áyāle meehóbēé mímén mésyāāl ne echēm kunze. Boŋ Titée awě alómé me, álángé me chõm éche rítángéné ahób.

50 Mbíí méé kéchéé éché álángé me aá ríhób épeene alongé áde déemaá'. Né-óó, kéchéé éche ríhóbēé, nhóbe' chó ngáne Titée álángé me."

13

Yesue awõbpé ábē bembape mekuu

1 Epun é ngande e Nnyíme-ámín ênlyǎg née chǎn. Yesue ambíí aá eche póndé emaá ape eché mótángéné nkõŋsé atede, áke wée eche Sǎŋ. Andǎŋ bad bé nkõŋsé ábe béndübē mó, alúméd-te éché edǎŋge kǎǎŋne á asóg.

2 Yesue ne ábē bembape bédyágé'áá ndyééd ngukél, Satan-e' ammad Judas Iskariode mwǎn awě Simone mewemten mé mbéb ásóled áte ásóm Yesue.

3 Yesue ambíí aá eche Sǎŋ abagé mekan mésyāāl áwe mekáá. Ambíí-e' aá móhūū wée Dyõb mótíme-e' ámbid wée Dyõb.

4 Ade bédyáǵkē ndyééd nê, Yesue anhidé ásē, ahúd nkob á yǎl, atád tábele á nkog.

5 Héé áhédé mendíb á kúmbe-tê, boŋ ábootéd ábē bembape mekuu awobe, ápinnád tábele awě ánwāá' é á nkog.

6 Ade ápedé wée Simon Petro dǎó Simone ásedtéé mó aá, "A-Sǎŋ, ehede me mekuu awobe-ye?"

7 Yesue ankwentén mó aá, "Weéhēlē-se esóŋtén dyam áde níbeléé bǎǎb, boŋ ámbid e mímén mésyāāl dǎó wésóŋtēnnē."

8 Héé Petro áhóbēé aá, "Aáy, weéwóbpeé me mekuu mbêd." Yesue antimtén mó aá, "Nzé

meéwobpe we mekuu né wéewóhngé dyamdyam abelen ne me.”

⁹ Simōn Petro anláá mó aá, “A-Sáñ, né saké mekuu mẽmpen-éé wéwobéé me. Wéwobé me káñne mekáá ne nló!”

¹⁰ Yesue ankwentén aá, “Mod awě amaá mendíb awog, yǎl esyáál emaa mó asáñ, eetânngenéé mendíb awóg ámpē, étōméé áwobe mekuu.* Nyēmaá asáñ, boñ saké nyé moosyáál nyésáá.”

¹¹ Yesue ammad abíi mod awě ásōm mó. Néε dēnkāñ boñ ahób aá saké moosyáál asáá.

¹² Ade amáá bó mekuu awobe, anhé nímē nkob á yǎl, átīm ámbíd áwē e’dii. Héε ásedtēé bó aáken, “Nyésónjténé dyam áde mbénlé nyé-yε?”

¹³ Nyéchəge me Meléede, nyéchəge-’ε me Sáñgwéé. Nyétánɡéné, áyāle nē dēn dōo rdíí.

¹⁴ Né-óó, nzé me awě ndé nyé Sáñgwéé mbé-’ε nyé Meléede nwöbpé nyé mekuu, né nyémpē nyétánɡéné nhóg ne aníní mekuu awobe.

¹⁵ Nlúmté nyé eláñsén éche nyétánɡéné ahíd ábel nén nyémpē nyébel ngáne mbénlé nyé.

¹⁶ Ne mbále nlānge nyé nén méé, mbəledε eetóméé eche sáñ, mod awě bélómé-’ε eetóméé mod awě alómé mó.

¹⁷ Bəəb áde nyébíi nímén mam, nnam mébē ne nyé nzé nyébele mó.

¹⁸ “Meehóbéé nyé moosyáál. Mbíi bad ábe nípwédé. Boñ e’yale ábe é’ténlédé á Kálag e Dyöb é’tánɡéné alón. Eténlédé nén bán, ‘Mod awě sūmō sēdyág ndyééd akünnéné me yǎl.’

* **13:10** Donje á kálag dé’só déewóó’é eetóméé áwobe mekuu.

19 Nlânge nyé nén bɔɔb, áde éēbēnlēdēē âbel nén nzé ébēnlédé, nyédúbe nén bán, ‘Ndíi mó Awě Ndíí.’

20 Ne mbále, nlânge nyé nén mēé, kénzée awě akobé mod awě nílómé, akobé mē. Kénzée-’ε awě akobé mē né akobé ane awě alómé mē.”

Yesue ahóbé á’sō é’ pónde áá bēsōm mó

(Mat 26.20-25; Mak 14.17-21; Luk 22.21-23)

21 Ade Yesue áamáá nímén mekan ahób ndutul enlóg mó á nlém-tē, ápanléd-te ábē bembapεε áte áá, “Ne mbále, nlânge nyé nén mēé, nyé mod nhóg ábē mē á mekáá mé bad bé ekoyí.”

22 Héε ábē bembapεε bénónné á mesó, áyāle bénkēmbíí’ε mod awě áhóbéé.

23 Mbapεε nhóg, awě Yesue ândəngé, andyě mó á akéb.

24 Dóɔ Simɔn Petro ápebtanné ane mbapεε mīd, áhōbē áá, “Sedéd mó mod awě áhóbéé.”

25 Dóɔ ane mbapεε ásídté Yesue á yǎl-tē, ásedté mó ááken, “A-Sán, nzée éhóbéé?”

26 Yesue ankwentén mó áá, “Mod awě métódéé ewele á dīε-tē bon mβε mó, mó adé ane mod.” Héε átédé ewele, átədté á dīε-tē, ábagé Judase, mwān awě Simɔn Iskariəde.

27 Akob áde Judase ákóbé échē ewele, Satane ansól mó áte. Dóɔ Yesue álângeé mó áá, “Dyam áde éhedéé abel bēl dó á mehélé-te.”

28 Bon mod ké nhóg awě bóbɔɔ bedyágé’áá ndyééd enkēnsónténné chōm-ée ekáá bon Yesue aláá Judase nê.

29 Ngáne édíi bán Judase mō akōngé’áá ekwe é mōné, donge á bembapεε bēnwēmtēn bán Yesue alânge mó áá áke áchan bwēm ábe bēbenlédte á ngande, ké’ε chōm éche bébéé betóótōkē bé bad.

³⁰ Ade Judasε ákóbé ewele éche Yesuε ábágé mó kobén, ambíd ebwóg. Ehíntén ênkwě.

Yesuε abagé mbéndé e ekóólé

³¹ Ade Judasε ámáá abíd dóo Yesuε áhóbeé aá, “Bóob-póó ehúmé e Mwǎn-a-Moonyon ényínnédé. Ehúmé é Dyóob-pe ámpē ényínnēd mbwiined ne mwǎn.

³² Nzé Dyóob ákúdé ehúmé ámbíd e Mwǎn, né Dyóob dēn ámpē débēl ehúmé é Mwǎn ényínned. Abēl-le nē ábwōg-ábwōg.

³³ A-baányan, echem pón dé ábé ne nyé, edé eson. Nyéēhēd me, bon ngáne ménlāā’é bad bé Israel, melelem nē dóo nlanḡeé nyé bóob, meé, ‘Wéε ríkagké, nyéehenlé ape áhed.’

³⁴ Mbage nyé mbéndé ekóólé bóob, nēn nyédan nhóg ne aníní. Ngáne ndáá nyé, nyémpē nyédan nhóg ne aníní.

³⁵ Nzé nyédáá nhóg ne aníní, né mod téé ábīi aá nyédīi ábēm bembapεε.”

Yesuε ahóbe ngáne Petro dbāḡē mó á yǎl

(Mat 26.31-35; Mak 14.27-31; Luk 22.31-34)

³⁶ Simōn Petro ansédéd Yesuε aáken, “A-Sán, héé éhedéé akε?” Yesuε antimtén mó aá, “Weéhēlēē-se ehíd me bóob wéε ríkagké, bon ámbíd e pón dé wēhíd me.”

³⁷ Petro ansédéd mó aá, “A-Sán, cheé ékáá bon meéhēlē se nhíd we bóob? Mbōḡséné áwé á nló nímōḡ.”

³⁸ Héε Yesuε ákwentanné mó aá, “Ekoó abonḡsen dé awé á nló nímēm-ε? Ne mbále, nlanḡe we meé, nchóm-a-kúb adēhób aá mótdō’, wēbāḡ me á yǎl ngen éláán.”

14

*Yesue m3 adé Nzii e mbále
echë epεene alongé*

¹ D33 Yesue ábádeé ábē bembapεε aláa aá, “Nyéētágté nlém á abum. Nyésuṣm nlém wée Dyöb, nyésuṣm-me k3áñne áwēm.

² Toṅ ébúú áte á ndáb echë echem Sáṅ. Nkag-ke áwed áboṅsen nyé h3m. Nzé énkēmbé nê, né menkēnláá’ é nyé meé nkag nyé h3m aboṅsen.

³ Nzé nkií-’ε nyé h3m aboṅsen, mēṭim ámbid, níhyε ntéd nyé ábε ne me, ábel nyémpē nyébē h3m áde nídíí.

⁴ Nyébíí nzii echë etime’ wée níkagké.”

⁵ Héε T3mase álāṅgeé m3 aá, “A-Sáṅ, séebíí’ é wée ékagké. Chán-n3 sébwεé nzii abíí echë etime áwed?”

⁶ Yesue ankwentén m3 aá, “Méε ndé nzii eché ekag wée echem Sáṅ, mbále ehúε’ ne me, me-’aá mbage alongé. Modmod eéhēlēε-se ápe wée echem Sáṅ, ésebán abwedé áwēm.”

⁷ Héε Yesue álāṅgeé ábē bembapεε aá, “B33b áde nyébíí me, nyéēbīí k3áñne echem Sáṅ.* Bootya b33b nyényíné m3, nyébíí-’ε m3.”

⁸ Filibe anláá m3 aá, “A-Sáṅ, lúméd-te sé Titée. Ch3m ésyāāl éche séhēdeé éetóméé nê.”

⁹ Yesue ankwentén aá, “A-Filib, nkēmbē ne nyé á etún é p3ndé, chán-n3 éhēléε-se eh3b wεé m3bíí’ é me? Kénzée awē anyíné me né anyíné Titée. Chán-n3 éhēléε-se eh3b wεé ‘Lúméd sé Titée?’

* **14:7** B33b áde nyébíí me, nyéēbīí k3áñne echem Sáṅ; donḡe á kálag dé’s3 áw33 nzé nyéñk3ñ me abíí, né nyéēbīí k3áñne echem Sáṅ.

10 Weedúbpeé wée echem Sán adíi me áte, me-’e mbé mó áte-ye?” Héé Yesue álângeé ábē bembapere aá, “Mam míme nlangeé nyé méebídeé áwēm dēn. Boŋ echem Sán awě adé me áte mô abele míme nsón.

11 Nyédúbe me ngáne nhóbé méé echem Sán adíi me áte, me-’e mbé mó áte. Nzé nyédúbpe nê, nyédúbé ké áyāle mam mé menyáké míme mbelée.

12 Ne mbále, nlange nyé nén meé, kenzéé awě adúbpe me, aběl mam míme mbelée. Aběl-le káŋne mekan míme métómé mímén áyāle nkag wée Titée.

13 Měběl-le kéchéé éche nyésédté á dīn ádēm ábel nén ngum echě Titée ényínned ámbíd e Mwān.

14 Nzé nyésédté me kéchéé á dīn ádēm, měbel chó.”

Yesue ad mólōm Edádāŋ éche Esád

15 Yesue ambád ahób aá, “Nzé nyédəá me, né nyéēhíd echem mbéndé.

16 Mělāā Titée, abě-’e nyé Nwōŋgene ampée, awě abē ne nyé á ngíndé ne á ngíndé.

17 Ane Nwōŋgene mô adé Edádāŋ échě ébídte’ mbále áwed tŋgene Dyōb. Bad bé nkōŋsé béehelée-se békob mó, áyāle béēnyīnēē mó, béēbii-’aá mó. Boŋ nyébíí mó áyāle adé ne nyé, abě-’e nyé áte.†

18 Nzé nkií, méetedéé nyé menyuu. Mětīm ámbíd áwēn.

19 Mwāmpin mí pón dé, nkōŋsé méenyínné me ámpē. Boŋ nyépen nyéēnyīn me. Ngáne mébēē á alon gé, nyémpē nyéēbē.

† 14:17 Abē-’e nyé dte; donje á kálag dé’só áwóó adé-’e nyé dte.

20 Nzé échê epun épédé, nyéēbīi bán ndé echem Sáj áte, nyé-’ε nyébé με áte, melemlem ngáne με-’ε nídíi nyé áte.

21 Kénzée awě akobé échem mbéndé, áhīdē-’ε chó, mō adé mod awě adáá με. Kénzée awě adá-’ε με, echem Sáj mō-’ε ádāη mō. Mémpē mēdāη mō nlúméd-τε mō yǎl.”

22 Dóo Judasε (saké Judas Iskariōδε) áhóbée aá, “Boη A-Sáj, chán wélūmēdtē sé yǎl boη weelúmté nkōηsé πεη?”

23 Yesue ankwentén aá, “Nzé mod adáá με, áhīd ábēm e’yale. Echem Sáj ádāη mō, sé echem Sáj-’ε séēpě áwē, sédyēē-’ε ne mō.

24 Nzé mod eédāη με, eehídée ádēm ayáge. Adén ayáge áde nyéwógé déesaá ádēm. Adíi áde Titée awě alómé με.

25 “Nlángé nyé nímén mésyāāl áde nídíi ndé ne nyé.

26 Nwōηgene, Edáádāη éche Esáá awě Titée álōmmē á dīn ádēm, áyāgēd nyé mekan mésyāāl ábēl-λε nyékamtán mekan mésyāāl níme nílángé nyé.

27 Nsāη mōo nlyágnédé nyé. Mmēm nsāη mōo nībageé nyé. Meébāgēē nyé mō ngáne nkōηsé nībageé. Nyéētagté nlém á abum, nyéewógé mbwóg.

28 Nyēnwóg née nīhóbé μεé ‘Mētédé nyé boη mēīm ámbīd áwēn.’ Nzé nyēndāη με né nyéēwóg menyīnge bán nkaη wée Titée áyāle Titée atómé με.

29 Nlángé nyé nēn bōob áde éēbēnlēdēē, ábel nēn nzé ébēnlédé, nyédúbe.

30 Syánē déebudté póndé awōη ákal ámpē, áyāle nkamlēne a nkōηsé ahúe’. Eewóo’έ ngíne ké póg

ámīn echêṁ.

³¹ Boṅ kénê mächennéd mó yǎl mbēl ngáne echem Sáj áhóbé aá mbēl, ábel boṅ nkōṅsé mbīi nén bán, ndəə echem Sáj. Né-'aá ákəá boṅ mbélé kéchéé éche áhóbé aá mbēl.

“Nyéhyag syánē déhide hén.

15

Yesue mâ akoó alín dé epum á bwel abé

¹ “Mε-εé ndé alín dé epum é bwel, alín dé epum é bwel dēn dēn. Echem Sáj-’ε abé mbélé-nzag.

² Ahúde’ ngen ké ehéé echē edé mε á yǎl, echē eechyáá’ e’pum, ápagké-’ε ké ehéé echē echyáá’ e’pum, ábel boṅ éboṅ yǎl ébude-’ε achyáa.

³ Ayáge áde ní’yágté nyé ábélé nyēmaá asáj.

⁴ Nyélyag nyébê ne mε, mémpē mēlyǎg mbé ne nyé. Ngen chēn eéhēlē-sε echyáá e’pum áde éesaá á alín á bwel. Melemlem née nyémpē nyéehelée-sε nyéchyáá e’pum ésebán nyédé ne mε.

⁵ “Mε-εé ndé alín dé epum é bwel, nyé-’ε nyébé ngen. Nzé mod adíi adé ne mε boṅ mε-’ε ndé ne mó áchyāā e’pum bwāmbwam. Nyéēhēlē-sε nyébēl dyamdyam ésebé ne mε.

⁶ Nzé mod eésē ne mε, bēhūd mó née ngen. Ene ngen ebélé ekintéd. Béladé éché ndín é ngen áte, bēbwém chó á muú-te, éhyán-’ε.

⁷ Nzé nyédíi nyédé ne mε, boṅ adēm ayáge-’ε adíi adé nyé áte, kéchéé éche nyésédte, nyéékūd.

⁸ Edúbé éche echem Sáj ényínnad nzé nyébudé e’pum achyáa, nē-’aá débēl nyébé ábēm bambapεε.

⁹ Ngáne echem Sáj ádáá mε, melemlem née mémpē rídáá nyé. Né-óó nyédíi nyébê ne mε ábel boṅ mbê rídəṅ nyé.

10 Nzé nyêhídé échêmbéndé, né mǎbē rídəŋ nyé. Melemlem nê dǎo ríhídeé mbéndé échê echem Sáj, adíi adǎǎ-'ε me.

11 Nlânge nyé nímén mésyǎǎl ábel nén nyémpē nyéwôg nyaa e menyinge échê ríwogεé, nímēn menyinge mélôn-ne mbon.

12 Echem mbéndé edii nén, nyédəŋ nhóg ne aníní melemlem nêŋgáne rídǎǎ nyé.

13 Nzé mod awédé á nló ní baáb, né alúmté edəŋge éche étómténé achab ámín.

14 Nzé nyêbele' mekan níme rílánge nyé meé nyébel né nyédii ábêm besón.

15 Meéchǎgεε nyé bembǎledε ámpē, áyǎle bembǎledε béébyεε' é mam níme echab sáj ábeléé. Boŋ ríchǎgεé nyé meé ábêm besón áyǎle nlánge nyé mam mésyǎǎl níme echem Sáj álánge me.

16 Nyéēpwedéε me, boŋ me-εé mpwedé nyé, nlóm-me nyé ábel mekan níme méchyáa e'pum é' bwám. Nyaa é mekan échê ébē abé ne abé. Nzé nyêbelé-'ε nê, echem Sáj ábǎ nyé kéchéé éche nyésédté á dīn ádêm.

17 Mmén mam mésyǎǎl níme rílángeé nyé-ǎǎ, médii nén meé, nyédəŋ nhóg ne aníní.”

Bad bé nkǎŋsé békǎǎ nyé

18 Yesuε ambád ábē bembapεε aláa aá, “Nzé nkǎŋsé ríkǎǎ nyé, nyébii nén bán meé bésébpé akǎǎ.

19 Nzé nyêmbé nêŋgáne bad bé nkǎŋsé, né nkǎŋsé météd nyé nêŋgáne ábē bad. Boŋ mpwedé nyé átínté e bad bé nkǎŋsé. Nyéēsaá bad bé nkǎŋsé. Né-'aá ákǎǎ boŋ nkǎŋsé ríkǎǎ nyé.

20 Nyéwêmtēn ehób éche ménlǎǎ' é nyé meé 'Mbǎledε eetóméé eche sáj.' Nzé bēmbané me á

metake-tê né bébané nyémpē á metake-tê. Nzé bēnhīd ádēm ayáge né bēhīd-te ádēn ámpē.

²¹ Bēbel nyé nímén mekan mésyāāl á yāl á dīn ádēm, áyāle bēēbīi' é ane awē alómé me.

²² Nzé menkēmpē bon nláá bó nímén mam, né nímab mbéb méenyīnnedéé. Bon bōob, béewóó' é nzom ké póg áyāle nímab mbéb.

²³ Kénzée awē akó me, akó kááne echem Sáj.

²⁴ Nzé menkēmbel ndín é mam átíntē echáb éche mod ampée éēbēlēē mbéd, né nímab mbéb méenyīnnedéé. Bon bōob bényíne mekan mésyāāl níme núbélé, ké nē bēdii békó me, békōō' é echem Sáj.

²⁵ Nén adé álóned e'yale ábe é'ténlédé á mbéndé echáb bán, 'Nzom ké póg enkēmbáá eche békóóné me.'

²⁶ Nwōngene ábid wée Titée. Adii Edáádān éche ébele' bon bad bésóntén mbále. Adé mébēē ne Titée mēlómē nyé mó, mó-'aá álāā nyé mam tāngene me.

²⁷ Nyémpē nyēhōb mam tāngene me áyāle nyédé ne me se á mbooted.

16

¹ “Nlānge nyé nímén mésyāāl ábel bon nyéētinné mbíd.

² Bēbīdēd nyé á ndáb é mekáne. A mbále pónde ehúe' eche kénzée awē áwūū nyé áwēmtēnnē aá móbēnle Dyōb.

³ Bēbēl nímén mam áyāle bēēbīi' é echem Sáj bēēbīi-'aá me.

⁴ Nlāngé nyé nímén mam mésyāāl ábel bon nzé pónde epedé echē nímén mekan mébēnladté, nyēkamtén bán menláá' nyé.

Nsón míme Edəádəŋ ébenlé

“Menkênláá’ é nyé nímén mekan á mbooted, áyāle membé ne nyé.

⁵ Bon ɓəɓb, nkag wée mod awě alómé me. Ké nê, nyé modmod nyéesɛdteé me bánken ‘Héé ékagk?’

⁶ Aláa ádé nlanǵé nyé nímén mekan ábélé ndutul elóǵé nyé á nlém-tê.

⁷ Ne mbále, nlanǵe nyé nén meé, édé mbon nén bán ríke. Ayāle nzé meékii, né Nwōŋgene éepaá áwēn. Bon nzé nkií, mǵlōmē nyé mǵ.

⁸ Ade ápeé, álūmēd bad bé nkōŋsé nén aá nímab nsōŋten míme béwánlé tǵŋgene abel dé mbéb ne ábel mekan míme mésáá méetǵŋgeneé. Béēsōŋtené-’ε nyaa echě Dyōb ákáadtéé.

⁹ Mmab nsōŋten méetǵŋgeneé tǵŋgene mbéb, áyāle béedúbpeé me.

¹⁰ Méetǵŋgeneé tǵŋgene abel dé mekan míme mésáá, áyāle nkag wée Titée, nyéenyín-naá me ámpē.

¹¹ Méetǵŋgeneé tǵŋgene nyaa echě Dyōb ákáadtéé, áyāle amaá nkamlene a nkōŋsé akáad.

¹² “Ndií nwóó ekud é mekan áláa nyé bon nímé mekan métom nyé áte.

¹³ Bon áde Edəádəŋ é mbále épeé, ábǵl nyēbíí mbále esyāál. Eehóbénné echě kunze chēn. Dyam áde bēlāā’ é mǵ dǵó áhōbpē, álāā-’ε nyé mam míme mébenléd pǵndé echě ehúε’ á’sō.

¹⁴ Achǵǵēd échēm edúbé ámín áyāle kéchéé éche áwǵǵé áwēm chǵǵó mǵ-’ε álāā’ é nyé.

¹⁵ Kéchéé éche echem Sǵŋ áwóó édii échēm. Nê dǵó ákáá bon rǵhōbē meé Edəádəŋ étēd kéchéé éche rǵhóbé, éláá nyé.”

Ndutul ɛ̄tɪm menyɪŋge

16 Hée Yesue ábádeé aá, “Mwämpɪn mí pónde nyéenyínné me ámpē, mwämpɪn mí pónde-’ε ámbíd enê nyéenyɪn me.”

17 Dóo donge dé bembapεε bésedteé nhóg ne aníní bánken, “Cheé áwémténé ahób, áláa syánē aá, ‘Mwämpɪn mí pónde nyéenyínné me ámpē, mwämpɪn mí pónde-’ε ámbíd e nê nyéenyɪn me?’ Ahób-pe ámpē aá, ‘Ayāle nkag wée Titée.’ ”

18 Bébē bésedte bánken, “Cheé áwémténé ahób, ahób aá, ‘Mwämpɪn mí pónde?’ Séesōhtεnεé dyam áde ahóbé.”

19 Yesue ammād abii aá, béhede mó dyam aseded. Né-óó, anláá bó aá, “Dyam áde nhóbé meé, ‘Mwämpɪn mí pónde nyéenyínné me ámpē, mwämpɪn mí pónde-’ε ámbíd e nê, nyéenyɪn me,’ dóo nyésedteé nhóg ne aníní-ye?”

20 Ne mbále, nlânge nyé meé, nyéechií, nyélēb-pe, bon nkōhsé méwōg menyɪŋge. Nyéēsudén, bon nímé nsuden méɪtɪm menyɪŋge.

21 Mmwaád awē ahede achyáá abelé ásuden áyāle eche pónde e metake epedé. Bon nzé amaá achyáá abelé awóg menyɪŋge, áyāle moonyon achyáádté á nkōhsé.

22 Nê dóo édii ne nyé. Nyēsüdné bōob, bon mēnyɪn nyémpē. Ene pónde nímεn nlém mélōn ne menyɪŋge, modmod éhεnlé-’aá nyé nímé menyɪŋge akoben.

23 Ade échē epun épeé, nyéesedédté me dyamdiam. Ne mbále, nlânge nyé nén meé Titée

ǎbě nyé kéchéé échě nyésédte á dĭn ádêm.*

²⁴ Κάθηνε βωβ nyéēhēdnēē mó chōmchōm á dĭn ádêm. Nyéhēden mó, nyéēkūđ ábel nén nīmēn menyinge mélōg mbon.”

Yesue atómé nkōjsé áte

²⁵ Yesue ambád ábē bembapēē aláa aá, “Mbēnlédé ngan aláa nyé ekud é mekan. Póndé ehúé’ échě méebēnlédte ngan. Mélāā-’ε nyé mekan tângene Titée, nyaa echě nyésōhtēnnē.

²⁶ Echē epun, nyéēhēdén mó kéchéé á dĭn ádêm. Méetāgēn-naá mó aláa mēé áwōhgen nyé,

²⁷ áyāle Titée mwēn adāá nyé. Adāá nyé áyāle nyédāá mē, nyédúbpé-’ε bán mbídé áwē.

²⁸ Membíd wēē Titée, mīpē á nkōjsé-te, βωβ-pe ntēdte nkōjsé, ntime ámbíd wēē Titée.”

²⁹ Hēē ábē bembapēē béhóbēé bán, “Ehóbe βωβ ngáne sēsōhtēnnē, weébēnládté ngan.

³⁰ Sēbíí βωβ bán ebíí mekan métsyāāl, éehēdnádtá bán modmod áseded wē dyamdyam. Nén ábélé sédúbpé bán ebídé wēē Dyōb.”

³¹ Dōō Yesue ákwēntanné bó aá, “Nyédúbpé βωβ-ε?

³² Nyénōne’! Póndé ehúé’, emaa-’ε apē, áde nyépāntēdtē áte. Mod téé atóm mehélé wēē ábídé, nyétēdē mmēmpēn. Bōh ké nē, meésaá mmēmpēn, Titée adé ne mē.

³³ Nlānge nyé nīmén mekan ábel nén nyébē nsā abé ádē nyédíí ne mē. Nyéēkūđ metake á nkōjsé-te bōh nyéwēd nlém á abum. Ntómé nkōjsé áte.”

* **16:23** Titée ábē nyé kéchéé échě nyésédte á dĭn ádêm: donje á kálag áwóó Nzé nyésédte Titée kéchéé, ábē nyé chō á dĭn ádêm.

17

Yesue akánnédé eche yäl

¹ Ade Yesue ámáá nímén mekan mésyāāl ahób, dóo ánóné ámín bon ahōbē aá, “A-Tê, pónde emaá aɛ. Lúmed bad ehúmé échē awon Mwǎn, ábel nén awon Mwǎn mómpē álúmed ehúmé échōn.

² Ebágé mó kunze ákamlɛn moosyā́l, ábel nén ábe bad bésyā́l ábe ébágé mó alongé áde déemaá’.

³ Alongé áde déemaá’ ádíi nén bébíi wɛ, mmōn awē edé Dyōb á mbále, ne ábíi Yesu Krīstā, awē élómé.

⁴ Mbídté échon ehúmé áwed á nkōjsé amad áde nímádé nsón níme ébágé mɛ.

⁵ Bɔɔb-pɔɔ a-Sán, bídéé échēm ehúmé áwed, wéɛ mmōn edíí. Melemlem mé edúbé níme ménwōngē ne wɛ, nkōjsé rídé ahób bán níbootad.

Yesue akánnédé ábē bembapɛɛ

⁶ “Mbélé bad bé nkōjsé ábe ébágé mɛ bébíi wɛ. Bébédeé ábōn, wembě mɛ bó, bébélé-’ɛ ngáne ehóbé wéé bébel.

⁷ Bébíi bɔɔb bán kéchéé éche ébágé mɛ, ébíde áwōn.

⁸ Nlángé bó mam mésyā́l níme élánjé mɛ wéé ríláa bó, bédúbpé-’ɛ nímé mam. Bébíi ne mbále bán áwōn dóo níbíde, bédúbpé-’ɛ bán wɛ-éé elómé mɛ.

⁹ Nkânnad bó. Meekânnádté bad bé nkōjsé. Bon nkânnad bad ábe ébágé mɛ, áyāle bédíi ábōn.

¹⁰ Bad bésyā́l ábe bédé ábēm bédíi ábōn, ábōn-’ɛ bésyā́l bédíi ábēm, bébídté-’ɛ échēm ehúmé áwed.

¹¹ Bɔɔb-pɔɔ, mwǎmpīn ní pónde méebáá á nkōjsé-te ámpē. Bon bédíi bédé á nkōjsé-te.

Nhyag áwôñ. Titée awë Asáá, kəá bó á ngíne e dñn ádôn, dñn áde ébágé mé. Ngíne echë ébágé me ábel nén bébê mod nhóg, melemlem ngáne sóo-’ε ámpē dídí mod nhóg.

¹² Ade mbédé ne bó, menkəá bó á ngíne e dñn ádôn, dñn áde wëmbéé me.* Nkəñgé bó, bó mod ké nhóg-ke eebóó’έ étōméé mod awë émmadté abé bán ábōā ábel boñ ébenled ngáne éténlédé á kálag e Dyōb.

¹³ Bōāb-pōó, nhyag áwôñ. Nhóbe-’ε nímén mekan ngáne ndíi rídé á nkōñsé ábel boñ nímāb menyñge mélōn mbon, melemlem ngáne nímēm-me mélóné mbon.

¹⁴ Nlángé bó mam mésyāāl níme élánge me wεé rílaa bó. Bōāb-pōó bad bé nkōñsé békóó bó áyāle béesaá bad bé nkōñsé ámpē, melemlem ngáne me ámpē méesaá mod a nkōñsé.

¹⁵ Meehóbéé meé éhūd bó á nkōñsé-te, boñ nhóbe’ meé ékəá’ bó ábel boñ Mod e Ebébtéd eébēlē’ bó mbéb.

¹⁶ Béesaá bad bé nkōñsé melemlem nêñgáne méesaá mod a nkōñsé.

¹⁷ Benléd echoñ mbále ábel boñ béhel wε abele. Echōñ eyale édé mbále.

¹⁸ Nlómé bó á nkōñsé-te melemlem nêñgáne wémpē wénlōmmē me á nkōñsé-te.

¹⁹ A etútú échāb membě echem yāl ábele wε ábel boñ bómpē bébe échab yāl ábel boñ békon wε abele.

Yesue akánnédé bad ábê béedúbé mó bésyāāl

* **17:12** Menkəá bó á ngíne e dñn áde wëmbéé me: donje a kálag awóó á ngíne e dñn ádon ménkəá bad ábê ébágé me.

²⁰ “Meekánnádté ábêm bembapεε bēnpen bon nkánnad káēne bad ábe bédúbpé me áyāle mam nīme béwógé áwāb.

²¹ Nkānne’ meé bó moosyāál bēbê mod nhóg. A-Tê, bó moosyāál bēbê mod nhóg ne sóo, melemlem nēngáne édíí ne me, me-’ε mbé ne we. Bēbê mod nhóg ábel nēn nkōjsé nídúbe bán we-εé elómé me.

²² Ehúmé éche ébágé me, me-’ε mbagé bó. Mbagé bó ábel bon bēbê mod nhóg melemlem nēngáne sóo dédíí mod nhóg.

²³ Ndé mod nhóg ne bó, we-’ε edé mod nhóg ne me. Nēn débēl békōη mod nhóg abé. Békōη mod nhóg abé ábel bon nkōjsé nībíí bán we-εé elómé me, bēbíí-’ε bán edáá bó melemlem nēngáne édáá me.

²⁴ A-Tê, ebagé me bó, bēbê wéε nídíí, ábel bon bényín echēm ehúmé. Wembě me ehúmé áyāle wendǎη me se á mbooted mé nkōjsé.

²⁵ A-Tê, we-εé ebele mam nímě mėsáá. Nkōjsé méebíí’ε we, bon mbíí we, ábén-ne ámpē bēbíí bán we-εé elómé me.

²⁶ Mbelé bēbíí we, měběl-le ámpē ábel nēn edəηge échě édáá me ébê bó áte, me-’ε ámpē nībê ne bó.”

18

Békóbe Yesue

(Mat 26.47-56; Mak 14.43-50; Luk 22.47-53)

¹ Ade Yesue amáá akáne, bójbe ábē bembapεε bēnhidé, béchābē mwǎ edíb a Kidrōn ámīn. Nzag embé áhed, bénsōl áwēd-te.

² Judase, ntúré awě Yesue ambíí adê abwóg á hōm, áyāle Yesue ne ábē bembapεε bēmmētén aladen áhed.

³ Né-ɔ́, Judase antómén echon é sánze ne bembəlede bé Ndáb-e-Dyöb ábe beprise bémbáá ne Befarisia bénlōmmē, békē wée Yesue ábédé. Abé bad bēnchöd e’kag, bėwálé e’trúkán ne bwēm é’ nzum.

⁴ Yesue ammad mam mésyā́l níme mébenléd ne mó abíi, ké nê, ambídéd yál áwed, ásedéd bó aáken, “Nzé nyéhedeé?”

⁵ Bēnkwentén mó bán, “sēhede Yesue, mod a dyad á Nazaret.” Yesue ankwentén bó aá, “Me-éé ndé mó.” Judase ntúré awě Yesue ambé áhed ne ábē bad.

⁶ Ade Yesue áhóbé aá, “Me-éé ndé mó,” bēntimén mbíd, bėkwē ásē.

⁷ Hē dɔ́ Yesue ásedtéé bó ámpē aáken, “Nzé nyéhedeé?” Bēnkwentén bán, “Yesue a dyad á Nazaret.”

⁸ Hēe Yesue ákwentanné bó aá, “Nlángé nyé meé, me-éé ndé mó. Né-ɔ́, nzé nyéhede me, nyétēdē ábén bad ábe bédé ne me, bėkag.”

⁹ Nén dēmbenléd álóned e’yale ábe ánhōbpē aá, “A-Sán, átíntē e bad ábe wēmbéé me, meebódeé ké nhóg.”

¹⁰ Simōn Petro anwálé nkwáté. Hēe ádólé níme nkwáté bon átōmtē, áselē etúu é ekáá é mbáá é mbəlede awě prise ambáámbáa. Ane mbəlede abédé dīn bán, Malkuse.

¹¹ Yesue anláá Petro aá, “Timéd nkwáté á abám. Nédē, meetēngēnéé metuné níme echem Sán átíínédé me akud-é?”

Békééné Yesue wée Anase

¹² Hēe échē echon é sánze ne awáb mod ambáá nchoo ne bembəlede bé bad bé Israel bėkóbé Yesue béhanj mó.

13 Běnsēbē mó akεεν wέε Anase. Anase abédεε sán-kálé awě Kaifase awě abédé prisε ambáámbáa mímē mwě.

14 Kaifase ne, mó ambě bad bémháá bé Israel elébé aá ébóó bán mod nhóg áwê á nló m bad bésyāāl.

Petro abáá Yesue á yāl

(Mat 26.69-70; Mak 14.66-68; Luk 22.55-57)

15 Simōn Petro ne mbapεε ampée behídé'áá Yesue. Prisε ambáámbáa ambíi ane mbapεε, né-ó ane mbapεε ansól eyáde éche prisε ambáámbáa wέε bėnsōlēnnē Yesue.

16 Petro pen anlyǎg á mmwε mé e'ké. Dóo ane mbapεε awě prisε ambáámbáa ámbīi'é átímé ámbíd á mmwε, ákālēn ngōndéε echě enōné'áá mmwε boŋ ásōltē Petro á eyáde-tē.

17 Ene ngōndéε ansédéd Petro aáken “Kíné wémpē weésaá mbapεε nhóg awě ane mod-ε?” Petro ankwentén mó aá, “Aáy, meésaá.”

18 Bōob-póó, ahéb démbē. Né-óó, bembōledε ábe prisε ambáámbáa ne bembōledε bé Ndáb-e-Dyōb bēnkonéd muú bėtyéém áhed bėwāle'. Petro mómpē ambé áhed, atyéém áwālē muú.

Prisε ambáámbáa akáadte Yesue

(Mat 26.59-66; Mak 14.55-64; Luk 22.66-71)

19 Prisε ambáámbáa esědté'áá Yesue tēngene ábē bembapεε ne ádē ayóge.

20 Yesue ankwentén mó aá, “Mam mésyāāl míme nłángé'áá bad nhóbé'áá mó á nhéné. Ayóged ádēm ásyāāl-'ε, ábédé á Ndáb é mekáne ne á Ndáb-e-Dyōb wέε bad bé Israel bésyāāl bėladnéé. Meéhóbéé-'ε dyamdyam á kun-tē.

21 Cheé-ō ésedtéé με ámpē. Sedéd bad ábe bēnwōg mam níme nlanǵé bō. Bēbī mam níme nǵhóbé.”

22 Ade Yesue áhóbé nê, mbaledε nhóg ambōm mó abén ahób aá, “Chán éhele éhōbē’ nê wée prise ambáámbáa?”

23 Yesue antimtén mó aá, “Nzé nhóbé dyam áde déetǵene, ehób dō moosyǵál áwōg. Boḡ nzé édé bán nhóbé dyam áde átǵéné, cheé ékáá boḡ ébōmé με?”

24 Dōo Anase áhóbé aá, békεen Yesue wée Kaifase, prise ambáámbáa. Yesue ambé abé á mehan.

Petro abáá Yesue á yǵl ámpē

(Mat 26.71-75; Mak 14.69-72; Luk 22.58-62)

25 Bōob-pōó, Simōn Petro ambé atyéém áhed áwālē muú. Héε bad ábe bēmbē áhed bésedtéé mó bán, “Kíné wēmpē weesaá mbapεε nhóg awě ane mod-ε?” Petro antǵn aá, “Aáy, meesaá.”

26 Mbaledε awě prise ambáámbáa nhóg, mwǵnyan móo Petro ánsēnlē etúu, anchógéd ehób ámīn, aláá Petro aá, “Kíné meenyíneé nyúmō á nzag-tē-yε?”

27 Petro antǵn ámpē. Ábwōg-ábwōg, nchóm a kúb antǵn.

Payledε akáádté Yesue

(Mat 27.1-2, 11-14; Mak 15.1-5; Luk 23.1-5)

28 Bad bé Israel bēnhidnéd Yesue á ndáb wée Kaifase békēēn mó á eyáde e nkamlεne ambáá. Nén ábédé epog é mbwεmbwε. Bēn bēnkēnsónlé á

ndáb-te ábáŋ nén béenyínnád mbinde á'sō é' Dyōb
* ábel bédyê Ngande e Nnyíme-ámín.

29 Né-òó, Payledε nkamlεε ambáá a bad bé Roma, ambíd e ebwóg áke atán bó, ásedté bó aáken, “Awusé áhéé nyéhóbé bán anén mod abelé?”

30 Bēnkwentén mó bán, “Nzé anén mod enkēmbé ebébtéd é mod, né séēbageé mó áwōŋ mekáá.”

31 Payledε anláá bó aá, “Nyé bēn nyétêd mó, nyébenled mbéndé echēn nyékáad mó.” Héε bad bé Israel bēlāŋgeé mó bán, “Séewóó'é kunze áwúu mod.”

32 Nén dēmbenléd álóned e'yale ábe Yesuε ánhōbpē álúmed nyaa e kwééd eche áwēē.

33 Payledε ansól á ndáb-te ámpē, áchāg Yesuε, ásedēd mó aá, “Wε-εé edé kâŋ e bad bé Israel-le?”

34 Yesuε ankwentén aá, “Mmōŋ-εé ehóbe nê ngé bad bēmpēe bóó bēlāŋgē wε mam á yāl echēm?”

35 Payledε ankwentén aá, “Ndé mod a Israel-le? Abōŋ bad ne beprise bēmbáá bóó bēbágé wε áwēm mekáá. Cheé ébélé?”

36 Yesuε ankwentén aá, “Mmēm nkamlεn méesaá á nkōŋsé wén. Nzé nímēm nkamlεn mémbe á nkōŋsé wén, né ábēm bembaledε bēwān, ábel nén bad béebagé με á mekáá mé bad bé Israel. Boŋ nímēm nkamlεn méesaá mé nkōŋsé.”

37 Dóó Payledε ásedtéé mó aá, “Nédē edé kâŋ-ε?” Yesuε ankwentén aá, “Wε-εé ehóbé wεé ndé kâŋ. Nzōm echē ekáó boŋ béchyáá με, nīpē á nkōŋsé

* **18:28** Bad bé Israel béndübē nén bán nzé mod asólé á ndáb e mod awē eésē mod a Israel, né awógté yāl mbinde. Ne bó, enén ndín e mod ebágáá mbinde á'sō é' Dyōb epun saámbé. Enén póndé esyáál eéhele'aá-se adyé Ngande e Nnyíme-ámín.

wén, edii ábíd mbónj e mbále. Mod ké ahée awě adé mod a mbále awóglan me.”

³⁸ Payledε ansedéd mó aá, “Cheé édé mbále?”

Bán Yesue atánjéné awé

(Mat 27.15-31; Mak 15.6-20; Luk 23.13-25)

Ade Payledε amáá mó aseded nén, ambíd á ebwóg ámpē ake atán bad bé Israel, anláá bó aá, “Meekóbneé anén mod awusé ké ahóg áde méhōbpē mēé béwúu mó.

³⁹ Bonj nyēwóó elem nén bán, ntánjéné nyé mod a mbwōg nhóg abídted á pónde e Ngande e Nnyime-ámín. Nyēdāó bán mbídted nyé kâj e bad bé Israel-ε?”

⁴⁰ Bēnkwentén mó ne e’saad bán, “Aáy! Séēhēdēē mó. Bídtéd sé Barabase.” (Barabase abédé-’ε nchílb ambáá.)

19

¹ Dóo Payledε áhóbé aá béke bébōm Yesue.

² Sánze éntēd ngen é mechă bélónj ekóté éche émbē néε ekóté é kâj, béhē mó ch́ á nló, béhé-’ε mó mengombe níme méyāge’ á yǎl, mímě méwágné mengombe mé kâj.

³ Bésídté’áá mó benben, béhōbē bán, “A kâj e bad bé Israel, edúbé ébê ne wε.” Bébómé’áá mó káájne mebén.

⁴ Payledε ambíd á ebwóg ámpē, aláá ábê bad aá, “Nyénōne’, mbídtaad nyé mó á ebwóg, ábel nén nyébíi bán, meekóbneé mó awusé ké ahóg.”

⁵ Né-óó, Yesue ambíd á ebwóg ne ekóté e mechă á nló, megombe mímě méyāge’ mó-’ε mébé mó á yǎl. Héε Payledε álânjéé bó aá, “Nyénōne’ awedé mod-e nén!”

⁶ Ade beprise bémbáá ne bembæde bé Ndáb-e-Dyöb bényíne mó, bêmbootéd abón bán, “Bomé mó á awög! Bomé mó á awög!” Paylede anláá bó aá, “Nyé bën nyétéd mó, nyébome mó á awög, áyāle meekóbnéé mó awusé ké ahóg.”

⁷ Abê bad bëntimtén Paylede bán, “Sêwóó mbéndé echē ehóbe nén bán atēngéné awé áyāle ahóbé aá módii Mwän a Dyöb.”

⁸ Ade Paylede áwógé nén, mbwóg mēnnabé mó akób.

⁹ Antīm ámbíd á eyáde-tē ámpē, ásēdēd Yesue aá, “Héé ébídé?” Bon Yesue enkēnkädénné mó.

¹⁰ Né-ṣó, Paylede anláá mó aá, “Weéhēdēē me akwēntēn-ε? Weebii’ē nén wεé nwóó kunze áhób meé béchene wε, nwōñ-’ε kunze áhób meé bébome wε á awög-ε?”

¹¹ Yesue ankwentén mó aá, “Weewóó’é kunze ké póg ámīn echēm ésebán Dyöb ábágé wε ene kunze. Né-ṣó, mod awě abagé me áwōñ mekáá abelé mbéb míme nítómténé achab ámīn.”

¹² Ade Paylede áwógé nē anhēd nzii átēde Yesue, bon ábê bad bēnhē e’saad bán, “Nzé etēdté anén mod né weesaá nsón awě Kaisεε. Kénzēé awě ahóbé aá, módē kēñ né atēngan Kaisεε.”

¹³ Ade Paylede áwógé nén, ambídén Yesue á ebwóg, ádyēē atii dé nkamlēn. Adē hōm wēε ándyεé’é béchágé’áá dó bán, Eyáde éche bēnábndé Meláá. A ehób é Hibru béchāge bán, Gabata.

¹⁴ Bṣṣb-pṣó, nén ábédé á epun é mbonśén é Ngande e Nnyíme-ámīn, dyam käd. Paylede anláá ábê bad bé Israel aá, “Echen kēñ chō nén!”

¹⁵ Abê bad bēnhē e’saad bán, “Wúú mó! Wúú mó! Bomé mó á awög!” Héε Paylede ásedtéé bó

aá, “Mbome echen kâh á awəg-ε?” Bepriε bémbáá bēnkwen tén mó bán, “Séewóó’ é kâh empée étōméé Kaisεε.”

¹⁶ Dóo Payledε ábágé Yesuε áwab mekáá ábome mó á awəg.

Bébómmé Yesuε á awəg

(Mat 27.32-44; Mak 15.21-32; Luk 23.26-43)

Né-ᵛó, bēnhidnéd Yesuε.

¹⁷ Yesuε mwēn ampém ádē awəg bootya á dyad-tē ákēēn dó hōm áde béchəgεé bán, “Hōm dé Ebóngél é Nló,” áde béchəgεé á ehób é Hibru bán Golgota.

¹⁸ Ahed-taá bēmboméé mó á awəg. Bēmbomé bad bébe bémpēe á awəg áhed, nhóg ped póg, aníní-’ε ped eníní, Yesuε abé áfinté.

¹⁹ Payledε antél á abámbé aá, “Yesuε, mod a dyad á Nazaret, kâh e bad bé Israel,” abádé á awəg á nló-mín wée Yesuε.

²⁰ Wée bēmboméé Yesuε á awəg démbē benben ne Jerusalem. Né-ᵛó, bad híin bēnlāh chōm éche bēntenlé. Chōm éche ántenlé, antel chó á ehób é Hibru, átél é ehób é Latin, ne é ehób é Grikia.

²¹ Bepriε bémbáá bēnlāā Payledε bán, “Wεétēlē wεé ‘Kâh e bad bé Israel,’ tēl wεé, ‘Anén mod ahóbé aá, me-εé ndé kâh e bad bé Israel.’ ”

²² Payledε anláá bó aá, “Chōm éche rítélé mmaá atel.”

²³ Ade sánze émáá Yesuε abome á awəg, béntēd éche mbóté, békabtéd chó áte monge méniiin, bó mod té atéd akab ahóg. Béntēd káəhne mbóté eche béhágkē áte. Ene mbóté bēnkēmbaá’ é chó hōmhōm. Embé bootya ámín ápe ásē enkēnwóngé mbom.

24 Hée bélângeé nhóg ne aníní bán, “Syánē deésālē chó. Désid mbambú ânyín mod awě átēd chó.” Nén dēmbenléd âlóned e’yale ábe é’ténlédé á Kálag e Dyöb nén bán,

“Bēn ne bēn bēnkāb échēm mbóté.
Bēnsīd-te mbambú âkab mīmēm nsob.”
Né-ṵó, nê dṵó échē sánze êmbenlé.

25 Yesue nyaá, nyaá mwānyā, Maria awě abédé Klopase mwaád ne Maria Magdalene béntyēm benben ne á awog áde Yesue.

26 Ade Yesue ányíné nyaá ne mbapēē awě ádáá bétyéémé áhed, anláá nyaá áá, “Á-nyā, mwān wē nē.”

27 Hée álângeé ane mbapēē mómpē áá, “Nyoó ne.” Bootya ene póndé ane mbapēē antéd Yesue nyaá, átimēn mó áwē ndáb.

*Yesue awédé
(Mat 27.45-56; Mak 15.33-41; Luk 23.44-49)*

28 Ambīd e nê, Yesue annyín áá mekan mésyāīl mémáá. Alóned-te ngáne éténlédé á Kálag e Dyöb anhób áá “Píd ekóbé mē.”

29 Kúmbe embé áhed, ebéntéd é mīm énlōg áwēd-te. Né-ṵó bēntōdé kuchá á ebéntéd é mīm-tē wē, bēsōm á ntōj ní ngen e hīsōb, bēhē mó á nsāl.

30 Ade Yesue ámwédé ebéntéd é mīm chē, anhób áá, “Ēmáá.” Hée ámogé nló, awé-’ē.

Bésóó Yesue akonj á aheb

31 Bṵṵb-pṵṵ, échē epun ébédé Mbwe mé mbonjén mé mbwe-mé-nkóme-áte. Bad bé Israel-le béehede’áá bán ndim nībē nībē á awog á mbwe-mé-nkóme-áte, tanje ngáne échē epun é nkóme áte étōmtēnnē edúbé abé. Né-ṵó bēntān Payledē

bán, áβε bó kunze ábóg bad áβε bébómmé á awɔg mekuu ne áhúd bó á awɔg.

³² Né-ɔ́, échê sánze ênkě ébóg mekuu níme bad áβε bêmboméé bɔɔβε Yesue á awɔg. Bénsēbē níme nhóg abóg, bébóg-ke níme aníníí.

³³ Boŋ áde bepédé wée Yesue béntān nēe áamáá awé. Né-ɔ́, bēnkētɔgénné mó mekuu abóg.

³⁴ Ké nê, sánze póg ensoŋ mó akon á aheb. Abwɔg-ábwɔg mekií ne mendíb bémbíd.

³⁵ Mod awě annyín nēe nímén mekan mébénlédé, abídé mbóŋ, eche mbóŋ edé-'ε mbále. Abíí nén aá, mókale' mbále, ahóbe-'ε nímén mam ábel nén nyémpē nyédúbe.

³⁶ Mmén mam mébénlédé áloned e'yale áβε é'ténlédé á Kálag e Dyɔb nén bán, "Béebógké ehid échē ké ehóg."

³⁷ Eténlédé á kálag e Dyɔb ámpē nén bán, "Bénñn ane awě bésóó akon."

Bélimmé Yesue

(Mat 27.57-61; Mak 15.42-47; Luk 23.50-56)

³⁸ Ambíd enê, Joseβε awě ambíd á dyad á Ari-matia, anláá Paylede aá, áβε mó kunze áted ndim níme Yesue. Joseβε abédée mbapee awě Yesue, boŋ énkēmbídédte yál áwed áyāle abáá'áá bad bé Israel. Paylede ambě mó kunze áted ndim níme Yesue. Né-ɔ́, ankě Yesue ndim atéd.

³⁹ Nikodemuse awě ansébé Yesue ake dé anyín nkuu, bó Joseb bēnkě. Bédêkě anwálé mekúle níme bēnabnadté ndim níme bébénlé Mía ne Alos.* Adé dyɔg ábédé dyam móom mé kilo meláán ne kilo étáan.

* **19:39** Alos: Abédée mekúle níme bébénládtáá ánabned ndim.

40 Béntēd ndim níme Yesue, békāān mó mbóm ne níme mekúle. Nén dōo elem é bad bé Israel ábonʒen ndim émbēē.

41 Bōob-pōó, nzag embé wée bénwū'é Yesue. Soṅ e ekóólé ebédé á nzag-tê wê, echě bénkēmpaá ndim ké nhóg abane áte.

42 Né-ōó, ngáne échê epun ebédé mbwε mé mbonʒén mé mbwε-mé-nkóme áte, ene soṅ-'ε ebé benben, bēmbané Yesue ndim áwēd-te.

20

Yesue apuúdé

(Mat 28.1-8; Mak 16.1-8; Luk 24.1-12)

1 A Sôndé, epog é mbwεmbwε, áde ehíntén émbēē ébé, Maria Magdalene ankě á soṅ wée bénlīmēē Yesue. Ade ápédé áhed, antán née béhúdé aláá áde bénkōlennē nsəl ní soṅ. 2 Héé átómé mehélé, boṅ áke atán Simōn Petro ne mbapεε ampée awě búmō bébéde. Ane mbapεε abédée mbapεε awě Yesue ándəṅgé. Dōo Maria álāṅgéé bó aá, “Béhúdé Sāṅgwéeé ndim á soṅ-tê, séebii-'áa wée bébánné mó.”

3 Dōo Petro bó ane mbapεε behídté boṅ békāg á soṅ.

4 Bó moosyáál bényágté'áá, boṅ mbapεε aníníí anyəgté'áá tómaa Petro. Né-ōó, ansébé apε á soṅ.

5 Anwúlén ásē ásad díd á soṅ-tê, anyín mbóm éche bēnkaánné Yesue, boṅ enkēnsónlé á soṅ-tê.

6 Simōne ahúé'áá mó ámbíd, apedé-'aá pεén asól-ε á soṅ-tê. Antán mbóm éche bēnkaánné Yesue áhed.

⁷ Antán-ne abad áde bënkaánné Yesue nló. Adê abad déēbédéé hóm ahóg ne mbóm, déndān áte pēd póg.

⁸ Héε aníníí mbapεε awě ansébé ape á son mómpē ásólé áwēd-te. Annyín ábē bwēm, adúbé-’ε.

⁹ Ké nê, bénkēnsónjténné chóm éche éténlédé á Kálag e Dyōb nén bán Yesue atəngéné apuu.

¹⁰ Ambíd é nê, ábē bembapεε bēntīm ámbíd á ndáb.

*Yesue alúmté Maria Magdalene yāl
(Mat 28.9-10; Mak 16.9-11)*

¹¹ Bəəb-pəə Maria anlyəg á nsəl ní son, áchyeé’. Ade áchyeé’ é nê dōo áwúnlé ásē, bon ásadé dīd á son-tê.

¹² Asad áde ásádé dīd, annyín ángel éβε. Echê ángel énhē e’púpe é’ mbóté, édyēē wée bēnnaádté ndim míme Yesue. Nhóg andyεé á pēd e nló, aníníí-’ε á pēd e mekuu.

¹³ Echê ángel ênsedéd Maria bán, “A-mmwaád, cheé échye’é?” Anláá bó aá, “Nchye’ áyāle bétéde ndim míme awem Sāngwée, meebíi-’áa wée bébánné mó.”

¹⁴ Ade ámáá ahób nê, ankunnéd, annyín née mod átyéémé áhed. Ane mod abédεε Yesue bon enkēmbíí’ é aá Yesue mó adé.

¹⁵ Yesue asedéd mó aá, “A-mmwaád, cheé échye’é? Nzéé éhedeé?” Maria anwémtén aá mod awě abele nsón á nzag-tê wê mó adé. Né-əə, anláá mó aá, “A-sān, nzé wε-εé etédé mó ndim, eláá me wée ébánné, ábel bon níke rítéd mó.”

16 Hée Yesue áchəgée mó aá, “A-Maria!” Dóo Maria ákúnné yǎl áwē boŋ áhóbé á ehób é Hibru aá, “Rabóni!” (awě adé nén bán, “Meléede”).

17 Yesue anláá mó aá, “Weésítán me, áyāle meétímée ámbíd wée Titée. Boŋ kǎg wée ábêm bembapεε, ábêm baányan, éláa bó wεé, ntime’ ámbíd wée echem Sán, awě adé káəŋne echen Sán. Mó adé Dyöb ádêm, abé-’ε ádēn.”

18 Né-əó, Maria Magdalene ankě, aláa bembapεε aá, mónyínē Sánɡwée. Anláá-’ε bó mam mésyāəl míme álánɡé mó.

Yesue alúmté ábē bembapεε yǎl

(Mat 28.16-20; Mak 16.14-18; Luk 24.36-49)

19 Echē epun é Sōndé chēn, ngukél, bembapεε ábe Yesue bēnladén áte á ndáb-te bépēn-ne ekob áyāle bébáá’áá bad bé Israel. Yesue ampě, atyéém átíntē echáb, aláa bó aá, “Nsan níbê ne nyé.”

20 Ade áamáá ahób nê, anlúmed bó míme mekáá, alúmed-te bó aheb. Bembapεε bébédé menyinɡe bwāmbwam ányín Sánɡwée.

21 Dóo Yesue álánɡeé bó ámpē aá, “Nsan níbê ne nyé. Ngáne Titée álómé me, melemlem nê dóo mémpē rílómeé nyé.”

22 Ade áamáá ahób nê, anhébé bó pemε, aláa-’ε bó aá, “Nyékob Edəəðəŋ éche Esáá.

23 Kénzée awě nyélágséné mbéb, né míme mbéb ríkúde alagsen. Kénzée-’ε awě nyéelagsénéé míme mbéb, né méekudéé alagsen.”

Yesue alúmté Təmasε yǎl

24 Təmasε mbapεε nhóg átíntē e bembapεε dyóm ne bébe ábe Yesue, awě béchágé’áá bán Nhéd, enkēmbáá ne baáb áde Yesue ápédé.

25 Né-ɔ́, áde ahúú baáb bēnlā́ mó bán, “Sēnyíne Sánḡwéé.” Boḡ anláá bó aá, “Esebán rnyíne meban níme bēmboméé mó tɔne á mekáá boḡ rísɔm-me e'mii á meban-tê áwed, níbid-te ekáá áwē aheb, méedúbéé mbéd.”

26 Ambid e e'pun waam, bembapεε bēnladén áte á ndáb-te ámpē. Tɔmase mómpē ambé áhed. Bēmpēn e'kob, boḡ Yesue ampě, atyéem átinté echâb. Anláá bó aá, “Nsanj mbê ne nyé.”

27 Héε álânḡéé Tɔmase aá, “Sɔm e'mii á meban hén. Nɔné' me mekáá, éhyene-'ε ekáá, ébid me chó á aheb. Sóḡ mod abé awě eedúbé', dúbé!”

28 Tɔmase ankwentén mó aá, “A-Sáá awēm, a-Dyɔb ádēm.”

29 Yesue anláá mó aá, “Saá áyāle ényíne me dɔɔ édúbé-yε? Nnam ne bad ábe béenyíne boḡ kénê, bédúbe.”

Nzám echě ekáá boḡ bétéle' enén kálag

30 Yesue amběl ekud é menyáké émpēe éche ábē bembapεε bēmbēē ásē éche béetelεé á kálag-tē wén.

31 Boḡ nímén mésyā́l méténlédé ábel nén nyédúbe* bán, Yesue mó adé Ane-awě-Béwógté, Mwān a Dyɔb. Nzé nyédúbé-'ε mó, né nyékudé alonḡé áde déemaá' á dīn ádē.

21

Yesue alúmté abē bembapεε yāl ámpē

1 Ambid e nímén mésyā́l, anlúméd ábē bembapεε yāl ámpē á nkin mé edib é Tiberia. Nyaa echě ánlūmédtē bó yāl ebédéε nén,

* **20:31** *Nyédúbe*; donḡe á Kálag dé e'só awóó nyébê nyédúbe.

2 epun ehóg Simōn Petro, Tōmase (awě béchágé'áá Nhéd), Nataniēle (awě ambíd á dyad á Kana á mbwóg e Galilia), bãñ ábe Zebēdiē, ne bembapēē ábe Yesue bémpēē bébé, bēnladēñ hōm ahóg.

3 Hēē Simōn Petro álāngēé bó aá, “Nkag súu akób.” Bēntimtén mó bán, “Sémpē séēhīd wē.” Né-ōó, bēnhidé béke bēsól á bōlē-tē. Boñ nímē nkuu rísyāāl bēnkēnkóbpe chōmchōm.

4 Ade bñn é'bóótédé akéle, Yesue antyéém á nkin mé edib. Boñ ábē bembapēē bēnkēmbíí'ē bán mó adé.

5 Dóó Yesue ásedtéé bó aá, “A-běd, nyéēkōbēē chōmchōm-ε?” Bēnkwentén mó bán, “Aáy, séēkōbēē.”

6 Anláá bó aá, “Nyébwēm mbínzé á pēd e ekáá é mbáá é bōlē, nyéēkōb.” Né-ōó, bēmbwēm mbínzé ene pēd. Bēnkēnhēnlé ene mbínzé adol áyāle súu émbē áwēd-te bwāmbwam.

7 Dóó mbapēē awě Yesue āndəngé áhóbēé aá, “Sāngwéé mó adé!” Awóg áde Simōn Petro áwógé bán, Sāngwéé mó adé, anhé megombe á yāl (áyāle anhūd bwēm á yāl). Dóó áhébé á edīb-te.

8 Boñ ábíníí bembapēē bēmpě á nkin á bōlē-tē, bédolé mbínzé. Ene mbínzé enlōn ne súu. Wēē bēmbīdēnnē bōlē āpē á nkin dénkēnchabpé, ábédé dyam mbwókēl e méta póg.

9 Ade bēpédé á nkin bēntān muú mé mekāñled. Súu ébédé áwed ámīn ne ewēle.

10 Yesue anláá bó aá, “Nyéhyēene' donge á súu áde nyékóbé bōob.”

11 Né-ōó, Simōn Petro ansól á bōlē-tē, ádol ene mbínzé á nkin. Súu émbáá énlōn ene mbínzé áte.

Ebédé mbwókél móom métáan ne éláán. Kénée échê súu êmbuú'é áte, ene mbínzé enkênsaléé.

¹² Yesue anláá bó aá, “Nyéhye nyédyê ndyééd.” Abê bembapεε bó modmod enkênchu'é mó aseded aáken, “Nzé-módé édíí?” Bém̄b̄ñ b̄án, S̄án̄gwéé mó adé.

¹³ Dóo Yesue átédé ewele boη ábagé bó. Amb̄ñ melemlem ne súu.

¹⁴ Nén ábédé ngen echê élonťéné éláán, echê Yesue álúmté ábē bembapεε ȳl á pónde echê áamá apuu.

Yesue asédté Petro ké adá mó

¹⁵ Ade bémáá ndyééd adyé, Yesue asedéd Simōn Petro aá, “A-Simōn, mw̄ñ a Jōn, edáó me tómaa ábén bembapεε-yε?” Simōne ankwentén aá, “Eε, a-S̄án, ebíí wεé ndáó wε.” Yesue anláá mó aá, “Tógén ábēm b̄ñ bé r̄dyōη ní mbód.”

¹⁶ Yesue ansedéd mó ngen échê élonťéné ébe aá, “A-Simōn, mw̄ñ a Jōn, edáó me-yε?” Petro antimtén mó aá, “Eε, a-S̄án, ebíí wε ndáó wε.” Yesue anláá mó aá, “Tógén nímm̄m r̄dyōη ní mbód.”

¹⁷ Yesue asedéd mó ngen échê élonťéné éláán aá, “A-Simōn, Mw̄ñ é Jōn edáó me-yε?” Ȳl enhóó Petro áte áde Yesue ásédté mó ngen échê élonťéné éláán aáken, “Edáó me-yε?” Né-óó, anláá Yesue aá, “A-S̄án, ebíí mam m̄esyā̄l. Ebíí wεé ndáó wε.” Yesue anláá mó aá “Tógén nímm̄m r̄dyōη ní mbód.

¹⁸ Ne mbále, nl̄ñge wε n̄n meé, áde ebédé etum, mm̄ñ epúdé'áá abad, ék̄g-kε k̄héé w̄ε édáó. Boη áde w̄chunné w̄s̄ad mekáá, mod ampée awáád wε abad, ák̄ēñ-nε wε w̄éε w̄éedáó'é akε.”

19 (Yesue anhób nê âlúmed nyaa e kwééd echě Petro áwēē, âlúmed ehúmé é Dyöb.) Ámbid e nê dóo Yesue álângeé mó aá, “Hídé me.”

Yesue ne mbapεε awě ádǎǎ

20 Dóo Petro ánóné ámbid bonj ányīnē' nées mbapεε ampée áhídeé bó. Ane mbapεε abédée mbapεε awě Yesue ândəngé. Móo andyεé Yesue á akéb á pónde éche bedyágé'áá ndyééd ngukél, bonj ásēdēd Yesue aá ken, nzé-módé äsōm mó.

21 Anyīn áde Petro ányīné-'aá mó, anhób aá, “A-Sān, chán-náa anén mod?”

22 Yesue ankwentén mó aá, “Nzé nhede meé ábê á alongé káəne pónde echě mépeé, chán nê ánóné wε? Hídé me.”

23 Né-ǎǎ, énkánléd átīntē e bad ábe béhíde'áá Yesue hōm ásyāāl nén bán ane mbapεε éewáá, kénéε Yesue énkēnhóbpé aá, éewáá. Anhób dāsō aá, “Nzé nhede meé ábê á alongé káəne pónde echě mépeé, chán nê ánóné wε?”

24 Ane mbapεε mó abíde mbónj áyāl e nímén mekan, mó-'aá atelé mó ásē. Debíí-'ε bán, kéchéé echě áhóbé édé mbále.

Asóg á kálag echě Jone

25 Ekud é mam émpēe édé éche Yesue ábélé. Nzé bēnhōb bán bétele' mésyāāl ásē, ahóg ámbid e ádíníí, nwēm̄tan meé né nkōjsé méekwogké échě kálag ahé áte.

Mel̃ Mékōōlē
New Testament in Akoose (CM:bss:Akoose)

copyright © 2011 Wycliffe Bible Translators, Inc.

Language: Akoose

Translation by: Wycliffe Bible Translators, Inc.

Akoose

bss

Cameroon

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akoose

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 18 Apr 2025 from source files dated 29 Jan 2022

0143729f-907e-5098-b6ce-63b1629b8e48